

文翰類選大成

5236.07/4432

13

11

5

文翰類彙

大成卷第二十九七言古詩目錄

宋

揚大年一首 歐陽永叔三首 宋王京一首 梅盛俞四首

孫明復一首 劉原父二首 狄遵度二首 司馬君實一首

王介甫四首 蘇明允一首 王陶一首 黃亞夫一首

陳述古一首 魏仲先一首 黃魯直十首 蘇子瞻十七首

沈嘉達一首 曾子固一首 蘇子由一首 張文潛六首

唐子西一首 馬子才一首 秦少由二首 韓子蒼一首

謝幼槃一首 路振一首 郭功父一首 潘邠老一首

謝無逸四首 張芸叟一首 許彥國二首 崔德符一首

李商老一首 李錡一首 朱仲晦四首 文宋瑞一首

李之純二首 蕭真卿一首 龐才卿二首 高獻臣一首

哈佛大學 哈佛燕京 圖書館 珍藏印

李平用一首 高仲常一首 王正之一首 李天英一首
 麻知機一首 雷希顏一首 王仲澤一首 張吉甫一首
 侯君澤一首 王飛伯一首 張林卿一首 張元佐一首
 孟友之二首 朱少章二首 趙濟甫一首 元德明四首
 劉無黨四首 党世傑二首 周德卿二首 趙文孺二首
 王逸真一首 陳無已二首 胡元任一首 宇文叔通二首
 朱師美二首 朱好謙一首 任君謨一首 蔡伯堅一首
 蔡正用二首 馬子卿一首

文翰類選 大成卷第二十九目錄

文翰類選大成卷第二十九

左長史上海李伯璵編輯
 伴 讀慈谿馮 厚校正

詩類 七言古

宋

禁直

楊大年

鳳樓鴛瓦蟾波濕衆籟聲沉白蟲蟄仙盤雲表露成霜何人
 夜半牛衣泣芝泥香孰封詔書河漢西傾移斗車陰風撼撼
 起庭樹寒澌曼曼鳴宮渠千廬迭唱傳宵警海山鼇背蓬壺
 頂金缸珠網結綺錢玉井銀牀垂素綆前席受釐詢碩生觀
 書百斤須中程投籤下應嚴鼓節求衣誤聽芙蓉蠅聲渴烏漏盡
 繁星曙魚鑰建章開萬戶初日吐曜豔屋梁鳴鞭一声下天路

滄浪亭

歐陽永叔

子美寄我滄浪吟。邀我共作滄浪篇。滄浪有景不可到。使我
 東望心悠然。荒灣野水氣象古。高林翠阜相回環。新篁抽筍
 添夏影。老桤亂發爭春妍。水禽閒暇事高格。山鳥日夕相啾
 喧。不知此地幾興廢。仰視喬木皆蒼煙。嗟人迹到不遠。雖
 有來路曾無緣。窮奇極怪誰似子。搜索幽隱探神仙。初尋一
 迳入蒙密。豁見異境無窮邊。風高月白最宜夜。一片瑩淨鋪
 瓊田。清光不辨水與月。但見空碧涵漪漣。清風明月本無價。
 可惜祇買四萬錢。又疑此境天乞與。壯士憔悴天應憐。鴟夷
 古亦有獨往。江湖波濤渺翻天。崎嶇世路欲脫去。反以身試
 蛟龍淵。豈如扁舟任飄瓦。紅蕖綠浪搖醉眠。丈夫身在豈長
 棄。新詩美酒聊窮年。雖然不許俗客到。莫惜佳句人間傳。

希真堂東手種菊花十月始開

當春種花惟恐遲。我獨種菊君勿訾。春枝滿園爛張錦。風雨
 須臾落顛倒。看多易厭情不專。鬪紫誇紅隨俗好。豁然高秋
 天地肅。百物衰陵誰暇乎。君看金蕊正芬敷。曉日浮霜相照
 耀。煌煌正色秀可餐。譜譜清香寒愈峭。高人避喧字幽獨。淑
 女靜容羞窈窕。方當搖落看轉佳。慰我寂寥何以報。時攜一
 樽相就飲。如得貧交論久要。我從多難壯心衰。迹與世人殊
 靜躁。種花不種兒女花。老大安能逐年少。

哭梅聖俞

昔逢詩老伊水頭。青衫白馬渡伊流。灘聲八節響石樓。坐中
 辭氣凌清秋。一飲百盞不言休。酒酣思逸語更遒。河南丞相
 稱賢侯。後車日載枚與鄒。我年最少力方優。明珠白璧相報

投詩成希深擁鼻謳師魯卷古藏戈矛三十年間如轉瞬屈
拍十九歸山丘凋零所餘身百憂晚登玉墀侍珠旒詩老盡
鹽太學愁乖離會合謂無由此會天幸非人謀領鬚已白齒
根浮子年加我貌則不歡猶可強閑屢偷不覺歲月成淹留
文章落筆動九州金甌過午無饋餽良時易失不早收篋積
瓦礫遺琳瑯薦賢轉石古所尤此事有職非吾羞命也難知
理莫求名聲赫赫掩諸幽翩然素旆歸一舟送子有淚流如溝
和賈相公覽杜工部北征篇 宋子京

唐家六葉太平罷宮豔醉骨恬無憂孽虜詬天翠華出模糊
戰血腥九州乾瘡坤瘵四海破白日殺氣寒颼颼少陵背賊
走行在採招拾橡填飢嗥眼前亂離不忍見作詩感慨陳大
猷北征之篇辭最切讀者心隨如摧轉莫肯念亂小雅怨省

然流涕袁安愁才高位下言不入憤氣鬱屈蟠長蛇今日奔
亡匪天作向來顛倒皆廟課忠骸佞骨相撐拄一燎同燼悲
崑丘相君覽古慨前事追美子美貞詩流前王不見後王見
願以此語貽千秋

白鷓圖

梅聖俞

雙睛射空眼角聳筋爪入節韝條垂翅排霜刀毛綴甲雪色
怒突秋雲披當時始得不知價朝發海東夕九疑世為奇俊
玩不足奪質移神歸畫師而今推向深堂上燕雀屏絕寧來
窺畫師黃荃出西蜀成都范君能具知范云荃筆不取次自
養鷹鷓觀所宜毡毛植立各有態矧奇剔怪乃肯為尋常飼
鷹多捕鼠捕鼠往驅其兒其兒長大好飛走其孫賣鼠送又
衰范君語此亦有味欲戒近習無他移

送葛都官南歸

不羨新爲赤縣尹，惟羨暫向江南歸。
江南暮暮梅雨時，風帆差差並鳥飛。
曾竿夾岸長若梳，水籠畜魚鮮且肥。
家在千山古溪上，先應喜鵲噪門扉。

和吳冲卿元會

千官車馬閭闔來，書漏始上閭闔開。
我我左右升龍進，昨夜雪飛雲作堆。
殿前冠劍魚鱗立，東風入仗旗脚回。
黃鐘一奏寶扇掩，玳簾捲起香霧排。
鳴鞘未盡霹靂響，翠輦已退黃金階。
聖人端冕御法座，大樂旅作聲和諧。
群公抃蹈丹墀下，尚書奏瑞四夷懷。
乘輿却入更衣閣，通天絳袍陞玉榻。
百拜稱觴萬歲聞，兩廊賜食簪裾曲。
傳大定舞綴疎波，旋煙斂飭宮車衛官解嚴多。
士退日光停午，氣象舒吳君才筆天下傑。

歸來作詩傳石渠，石渠秘邃無凡愚。
石渠酬唱皆嚴徐，我慙短學復在後。
收餘掇棄聊以書。

採石月贈郭功甫

採石月下訪謫仙，夜披錦袍坐釣船。
醉中愛月江底懸，以手弄月身翻然。
不應暴落飢蛟涎，便當騎鯨上青天。
青山有冢人謗傳，却來人間知幾年。
在昔孰識汾陽王，納官賞死義難忘。
今觀郭裔奇俊郎，眉目真似功文章。
死生往復猶康莊，樹穴探環知姓羊。

諭學

孫明復

名復國子直講

冥觀天地何云爲，茫茫萬物爭蕃滋。
羽毛鱗介各異趣，披攘攫搏紛相隨。
人亦其間一物爾，飢食渴飲無休時。
苟非道義充其腹，何異鳥獸安鬚眉。
人生在學勤始至，不勤求至無由。

期孟軻荀況揚雄氏當時未必皆生知因其鑽仰久不已遂
入聖域爭先馳既學便當窮遠大勿事聲病淫哇僻斯文下
衰吁已久勉思駕說扶顛危擊暗歐聾明大道身與姬孔為
藩籬是非豐頤若不學慎無空使精神疲

漁翁

劉原父

白頭老翁披敗蓑求魚終日單淮波深水闊望不絕網目雖
繁能幾何大魚鱣鱠入淵底小魚鯽鯢登網裏手斂足趺吁
可憐何不為網大如天

朱雲

志士不忘棄溝壑勇士不忘喪其元伏雞搏狸狗龍虎感激
只在精神存漢朝陵替外志感五嶽振蕩三辰昏臣疆王
上不悟廷中唯唯言能言朱生曾義邁金石面効不避師傳

尊願求尚方斬馬劍誅一屬百清其源天威震怒不我受利
刃按頸雷霆奔當前折檻色不變命在頃刻誰攀援昔時仲
尼魯司寇七日行戮端乾坤嗟哉此生志不就冥冥后土埋
其冤漢家社稷變王氏張禹虛象師保息卓然先見在物表
佞臣取國誰復論我願乘雲款天閭巫陽掌夢招其魂立朝
謇謇辨邪正魚復姦諛開幸門

和渙之深秋月夜書事

狄遵度

洞庭葉下涼颼颼凍天頑白凝不流圓月擬缺不忍缺輕露
欲浮終未浮憶吹朱籟鳳駟上更採紫芝雲嶠陬玉樓天半
幾千尺珠樹玲瓏懸上頭

雨

高林風怒雨聲黑小閣燈背人語闌誰知雲外月高照定是

葉間鶯最寒時覺急飄愁未已似聞徐滴喜初翻驪駒北首
榆關路天晴煙樹沙磧寬

道傍田家

司馬君實

田家翁媪俱垂白敗屋蕭條無壯息翁攜鎌索媪攜箕自向
薄田收黍稷靜夜偷舂避債家比明門外已如麻筋疲力弊
不入腹未議縣官租稅促

虎圖

王介甫

壯哉非羆亦非羆目光夾鏡當坐隅橫行妥尾不畏逐顧盼
欲去仍躊躇卒然一見心為動熟視稍稍摩其鬚固知盡者
巧為此此物安肯來庭除想當盤礴欲盡時睥睨衆吏如庸
奴神閑意定始一掃功與造化論錙銖悲風颯颯吹黃蘆上
有寒雀驚相呼嗟牙

壁黃昏後馮婦遙看亦下車

張良

留侯美好如婦人五世相韓韓入秦傾家為主合壯士博浪
沙中擊秦帝脫身下邳世不知舉國大索何能為素書一卷
天與之穀城黄石非吾師固陵解鞍聊出口捕取項羽如嬰
兒從來四皓招不得為我立棄商山芝洛陽賈誼才能薄擾
擾空令絳灌疑

寄贈胡先生

先生天下豪傑魁骨臆廣博天所開文章事業望孔子孟不復
睥睨秦與崔十年留滯東南州飽足藜藿安高萊獨鳴道德
驚此民民之聞者源源來高冠大帶滿門下奮如百藝乘春
雷惡人沮伏善者起昔時躑躅今騫回先生不試乃能爾誠

今得志如何。吾願聖帝管太平。補葺廊廟扶傾頽。披旒發
續廣耳目。照徹山谷多遺材。先取先生作梁柱。以次構架補
與壞。群臣南向帝深拱。戴仰堂堂陛下崔嵬。

雲山詩送孫正之

雲山參差碧相圍。溪水詰曲帶城陴。溪窮壤斷至者誰。予獨
與子相諧嬉。山城之西鼓吹悲。水風蕭蕭不滿旗。子今去此
來無時。予有不可誰予規。

贈陳景回 蘇明允名洵眉州人號老泉校書郎

岷山之陽土如腴。江水清滑多鯉魚。古人居之富者衆。我獨
厭倦思移居。平川如手山水感。恐我後世鄙且愚。經行天下
愛嵩岳。遂欲買地安妻孥。晴原漫漫望不盡。山色照野光如
濡。民生舒緩無天札。衣冠堂堂許丈夫。吾今隱居未有所更。

後十載不可無聞。君厭蜀樂上蔡占地百頃。無邊隅。草深野
闊足狐兔。水種陸收身不幼。誰知李斯顧秦寵。不獲牽犬追
黃狐。今君南去已足老。行看嵩少當吾廬。

有竇復者世居鎮。我能道邊事 王陶

君不見。鎮我德順弓箭手。耕種官田自防守。相圍置堡禦蕃
軍。下視賊庭殊不有。殺羊取骨燃艾炙。試卜賊兵知入寇。都
校招呼入堡。齎居堡外重圍。百里餘。牆低城小不難破。賊箭
如棚城上過。堡中不及數十人。且聞且罵且欣欣。登陴斫門
謂平取。應弦死傷已無數。窓間走箭射首豪。一箭已聞哭聲
舉。爭將錦囊裹賊尸。鳴金收衆唯恐遲。不惟城堡依然固。吾
衆不傷毫與厘。自從下戈動四鄙。覆軍殺將曾無恥。朝廷未
省遺邊功。何事此勳不聞紀。安得天兵百萬衆。盡如此輩堅

且惠

大孤山

黃亞夫

彭蠡百年南國襟萬頃蒼煙挿孤岑不知天星何時落春秋
不書不可尋石怪木老鬼所附茲乃與水司浮沉鳴鴉大藤
樹下廟祭血不乾年世深舳舻千里不敢越割牲醢酒來獻
斟我行不忍隨人後許國肝膽神所歆落帆夜宿白鳥岸睥
睨白繞寒藤陰銀山大浪獨夫險比干一片崔嵬心宦遊遠
去父母國好動若有山水淫江南畫工今誰在拂拭東絹輕
千金

通判國博命賦假山

陳述古

去年水潦百穀死居民無食食糟糶州之餓者數千人黃巖
之民猶倍茲攜持老幼少出城郭盡撤牆屋無居山鬻妻棄子

人不售價例不復論羊豕白日市井聞號叫夜堆廊廡如蟲
豕縣官哀憐發賑救一飯纔得一盂爾出門未暇充喉咽已
有數十填溝水我時過之不忍顧徃徃悲咽曾填委豈無智
慮裨萬一遠地不得號君耳錢侯作倅忠且仁悲憐餓殍如
親子日開官廩與之食又令豪右發儲峙昨日持書曰轉運
被陳肝腎獻金矢更乞兵儲二萬斛民之大命方有倚侯從
新年作假山自聞民飢不得視非無泉石可盤樂人今方瘁
何能喜願侯勿遽愛此山念此臆臆存孤蟻天無疫厲五穀
熟生者保聚歸田里此山之石堅不堅將與侯德無窮已

尋隱者不遇

魏仲先 名野

尋真悟入蓬萊島香風不動松花老採芝何處未歸來白雲
滿地無人掃

戲和答禽語

黃魯直

南村北村雨一犁新婦餉姑翁哺兒田中啼鳥自四時催入
脫袴着新衣着新替舊亦不惡去年租重無袴着

水仙花

凌波仙子生塵鞵水上盈盈步微月是誰招此斷腸魂種作
寒花寄愁絕含香體素欲傾城山礬是弟梅是兄坐對真成
被花惱出門一笑大江橫

題磨崖碑

春風吹船著浯溪扶藜上讀中興碑平生半世看墨本摩挲
石刻鬢如絲明皇不作包桑計顛倒四海由祿兒九廟不守
乘輿西萬官奔竄鳥擇栖撫軍監國太子事何乃趣取大物
為事有至難天幸耳上皇跼踖還京師內間張后色可否外

間李义頤指揮南內凄凉幾荷活高將軍去事尤危臣結者
陵二三策臣甫杜鵑再拜詩安知忠臣痛至骨後世但賞瓊
瑤詞同來野僧六七輩亦有文士相追隨斷崖蒼蘚對立久
凍雨為洗前朝悲

武昌松風閣

依山築閣見平川夜闌箕斗插屋椽我來名之意適然老松
魁梧數百年斧斤所赦今參天風鳴媧皇五十弦洗耳不須
菩薩泉嘉二三子甚好賢力貧買酒醉此筵夜雨鳴廊到曉
懸相看不歸卧僧檀泉枯石燥復潺湲山川光輝為我妍野
僧早飢不能飽曉見寒溪有炊煙東坡道人已沉泉張侯何
時到眼前釣臺驚鷺濤可晝眠怡亭小篆蛟龍纏安得此身脫
拘攣舟載諸友長周旋

韓信二首

韓信高才跨一世劉項存亡翻手耳終然不肯負沛公頗似
雍容得天意成臯日夜望救兵取齊自重身已輕躡足封王
能早悟豈恨淮陰食千戶雖知天下有所歸獨憐身與噲等齊
廟前柏十圍千年事與浮雲去想見留侯決是非丈夫出身
佐明主用捨行藏要自知功名邂逅軒天地萬事當觀失息
時

韓生沈鷲非悍勇笑出跨下良自重滕公不斬世未知蕭相
自追王始用成安書生自聖賢左仁右義兵在咽萬人背水
亦善意獨馱市并收萬全功成廣武坐東鄉人言將軍真漢
將兔死狗烹姑置之此事已足千年垂君不見丞相商君用

秦國平生趙良頭雪白

杜子美浣花醉歸圖

拾遺流落錦官城故人作尹眼爲青碧雞坊西結茅屋百有花
潭水濯冠纓故衣未補新衣綻空蟠留中書萬卷探道欲度羲
皇前論詩未覺國風遠干戈崢嶸暗寓縣杜陵韋曲無雞犬
老妻稚子且眼前弟妹漂零不相見此公樂易真可人園翁
溪友肯卜鄰家有酒邀皆去得意魚鳥來相親浣花酒船
散車騎野牆無主看桃李宗文守家宗武扶落日蹇驢馱醉
起願聞解兵脫兜鍪老儒不用千戶侯中原未得平安報醉
裏肩擔萬國愁生綃鋪牆粉墨落平主忠義今寂寞兒呼不
蘇驢失脚猶恐醒來有新作常使詩人拜畫圖煎膠續弦千
古無

送范德孺知慶州

乃翁知國如知兵塞垣草木識威名敵人開戶玩處女掩耳
不及驚雷霆平生端有活國計百不一試薶九京阿兄兩持
慶州節十年麒麟地上行潭潭大度如卧虎邊人耕桑長兒
女折衝千里雖有餘論道經邦政要渠妙年出補父兄處公
自才力應時須春風旂旂擁萬夫幕下諸將思草枯智名勇
功不入眼可用折筆答羌胡

送謝公定作竟陵主簿

謝公文章如虎豹至今斑斑在兄孫竟陵主簿極多聞萬事
不理專討論澗松無心古須臾亂天球不琢中粹温落筆塵沙
百馬奔劇談風霆九河翻習中恢疎無怨恩當官持廉且不
煩吏民欺公亦可忍慎勿驚鶴而使水渾漢濱老舊今誰存

馬高蓋徒紛紛安知四海習鑿齒挂笏看度南山雲

出城送客過故人東平侯趙景珍墓

朱顏苦留不肯住白髮政爾欺得人嬋娟去作誰家妾意氣
都成一聚塵今日牛羊上丘壟當時近前左右噴花開鳥啼
荆棘裏誰與平章作好春

月夜與客飲酒杏花下

蘇子瞻

杏花飛簾散餘春明月入戶尋幽人寒衣步月踏花影烟如
流水涵青蘋花間置酒清香發爭挽長條落香雪山城薄酒
不堪飲勸君且吸玉中月洞簫聲斷月中惟憂月落酒盃
空明朝卷地春風惡但見綠葉柘殘紅

驪山

君門如天深幾重君王如帝坐法官人生難處是安穩何為

來此驪山中。複道凌雲接金闕。樓觀隱煙橫翠空。林深霧暗
迷八駿。朝東暮西。勞六龍。六龍西幸。峨眉樓。悲風便入華清。
阮霓裳。蕭散羽衣空。鹿來遊。猿鶴怨我上朝元。春半老。滿地
落花無人掃。羯鼓樓高掛夕。
兩醯雞。築臺未就。已堪悲。烏
迷由來流連多喪國。宴安旌
必驪山可亡國。

荔枝歎

十里一置飛塵灰。五里一
荔枝龍眼來飛車。跨山鵲橋
一破顏。驚塵濺血流千載。七
涪至今欲食林甫肉。無人與

催顛。圻卜谷相枕藉。知是
枝露葉如新。採宮中美人
稜來交州天寶歲。貢取之
伯游我願天公憐。赤手莫

生尤物為瘡痍。痛雨順風調百。劫登民不飢寒。為上瑞君
武夷溪邊粟粒芽。前丁後蔡相籠加。爭新買寵各出意。今年
鬪品充官茶。吾君所乏豈此物。致養口體何陋邪。洛陽相君
忠孝家可憐。亦進姚黃花。

定惠院海棠

江城地瘴瘴華草。只有名花苦幽獨。嫣然一笑竹籬間。桃李
漫山總俗也。知造物有深意。故遣佳人在空谷。自然富貴
出天姿。不待金盤薦華屋。朱唇得酒暈生臉。翠袖卷紗紅映
肉。林深霧暗曉光遲。日暖風輕春睡足。雨中有淚亦悽慘。月
下無人更清泚。先生食飽無一事。散步逍遙自捫腹。不問人
家與僧舍。拄杖敲門看脩竹。忽逢絕艷照衰朽。歎息無言指
病印。陋邦何處得此花。無乃好事移西蜀。寸根千里不易到。

嗚子飛來定鴻鵠。天涯流落俱可念。為飲一樽歌此曲。明朝酒醒還獨來。雪落紛紛那忍觸。

虢國夫人夜遊圖

佳人自輕玉花驄。翩如驚燕踏飛龍。金鞭爭道寶釵落。何人先入明光宮。宮中羯鼓催花柳。玉奴弦索花奴手。坐中八姨真貴人。走馬來看不動塵。明眸皓齒誰復見。只有丹青餘淚痕。人間俯仰成今古。吳公臺下雷塘路。當時亦笑張麗華。不知門外韓擒虎。

河復

君不見西漢元光元封間。河決瓠子二十年。鉅野東傾淮泗滿。楚人恣食黃河鱸。萬里沙回封禪罷。初遣越巫沉白馬。河公未許人力窮。薪芻萬計隨流下。吾君仁聖如帝堯。百神受

職河神驕。帝遣風師下約束。北流夜起澶州橋。東風吹凍收微涖。神功不用淇園竹。楚人種麥滿河淤。仰看浮槎棲古木。

鶴歎

園中有鶴馴可呼。我欲呼之立坐隅。鶴有難色則睨余。豈欲臆對如鵬乎。我生如寄良畸孤。三尺長脰閣瘦軀。俛啄少許便有餘。何至以身為子奴。驅之上堂立斯須。投以餅餌視若無。嗚然長鳴乃下趨。難進易退我不如。

與子由別於鄭州西門之外馬上賦詩一篇寄之

不飲胡為醉兀兀。此心已逐歸鞍發。歸人猶自念庭闈。今我何以慰寂寞。登高回首坡隴隔。惟見烏帽出復沒。苦寒念爾衣裘薄。獨騎瘦馬踏殘月。路人行歌居人樂。僮僕怪我苦悽悽。亦知人生要有別。但恐歲月去飄忽。寒燈相對記疇昔。夜

雨何時聽蕭瑟君知此意不可忘慎勿苦愛高官職

送劉道原歸觀南康

曼嬰不滿六尺長高節萬仞陵首陽青衫白髮不自歎富貴
在天那得忙十年閉戶樂幽獨百金購書收散亡竭來東觀
弄丹墨聊借舊史誅姦彊孔融不肯下曹操汲黯本自輕張
湯雖無尺箠與寸刃口吻排擊含風霜自言靜中閱世俗有
似不飲觀酒狂衣巾狼籍又屢舞傍人大笑供千場交朋翻
翩去畧盡惟我與子猶彷徨世人共棄君獨厚豈敢自愛恐
子傷朝來告別驚何速歸意已遂征鴻翔匡廬先生古君子
挂冠兩紀鬢未蒼定將文度置膝上喜動鄰里烹猪羊君歸
爲我道姓字幅巾他日容登堂

和錢安道寄惠建茶

我官于南今幾時嘗盡溪茶與山茗留中似記故人面口不
能言心自省爲君細說我未暇試評其略差可聽建溪所產
雖不同一天與君子性森然可愛不可慢骨清肉膩和且
正雪花兩脚何足道啜過始知真味亦縱復苦硬終可錄汲
黯少意寬饒猛草茶無賴空有名高者妖邪次頑獷體輕雖
復強浮泛性滯偏工嘔酸冷其間絕品豈不佳張禹縱賢非
骨鯁葵花玉鞞不易致道路幽險隔雲嶺誰知使者來自西
開緘磊落收石餅嗅香嚼味本非別透紙自覺光炯炯糝糠
團鳳友小龍奴隸日注臣雙井收藏愛惜待佳客不敢包裹
鑽權倖此詩有味君勿傳空使時人怒生瘦

韓幹馬十四匹

二馬並驅攢八蹄二馬死頽尾齊一馬任前雙舉後一馬

却避長鳴嘶老鬣奚官騎且顧前身作馬通馬語後有八足
飲且行微流赴吻若有聲前者既濟出林鶴後者欲涉鶴僂
啄最後一足馬中龍不嘶不動尾搖風韓生畫馬真是馬蘇
子作詩如見畫世無伯樂亦無韓此詩此畫誰當看

贈寫御容妙善師

憶昔射策干先皇珠簾翠幄分兩廂紫衣中使下傳語跪捧
再拜聞天香仰觀眩晃目生暈但見曉色開扶桑迎陽晚出
步就坐絳紗玉斧光照廊野人不識日月角髮鬣尚記重瞳
光三年歸來真一夢橋山松檜淒風霜天容玉色誰敢畫老
師古寺晝閉房夢中神授心有得覺來信手筆已忘幅中常
服儼不動孤臣入門涕洟滂元老俯坐鬚眉古虎臣立侍冠
劍長平生慣寫龍鳳質肯顧草間猿與獐都人踏破鐵門限

黃金白壁空堆牀尔來摹寫亦到我謂是先帝白髮郎不須
覽鏡坐自了明年乞身歸故鄉

定惠院寓居月夜偶出

幽人無事不出門偶逐東風轉良夜參差玉宇飛木末繚繞
香煙來月下江雲有態清自媚竹露無聲浩如瀉已驚弱柳
萬絲垂尚有殘梅一枝亞清詩獨吟還自和白酒已盡誰能
借不辭青春忽忽過但恐歡意年年謝自知醉耳愛松風會
向霜林結茆舍浮浮大甑長炊玉溜溜小槽如壓蔗飲中真
味老更濃醉裏狂言醒可怕但當謝客對妻子倒冠落佩從
嘲罵

豆粥

君不見見呼沱流澌車折軸公孫舍皇奉豆粥濕薪破竈自燎

衣飢寒頓解劉文叔又不見金谷敲冰草木春帳下烹煎皆
美人萍蓬豆粥不傳法咄嗟而辨石季倫干戈未解身如寄
聲色想傳心已醉身心顛倒自不知更識人間有真味豈如
江頭一頃雪色蘆葑蒼葑出沒晨煙孤地確春杭光似玉沙瓶煮
豆軟如酥我老此身無著處賣書來問東家住卧聽雞鳴粥
孰時蓬頭曳履君家去

答西掖諸公見和

雙猊蟠礎龍纏棟金井轆轤鳴曉甕小殿垂簾碧玉鉤大宛
立仗朱絲鞞風馭賓天雲雨隔孤臣忍淚肝腸痛羨君意氣
風生坐落筆縱橫盤走汞上樽日月寫黃封賜茗時時開小
鳳閉門憐我老太玄給札看君賦雲夢金奏不知江海眩木
瓜屢費瓊瑤重豈惟蹇步困追攀已覺侍史疲特送春還宮
柳腰支活雨入御溝鱗甲動借君妙語發春容顧我風琴不
成弄

郭熙畫山水平遠

玉堂晝掩春日閑中有郭熙畫春山鳴鳩乳燕初睡起白波
青嶂沐人間離離短幅開平遠漠漠疎林寄秋晚恰似江南
送客時中流回頭望雲巘伊川佚老鬢如霜卧看秋山思洛
陽爲君紙尾作行草烟如嵩洛浮秋光我從公遊如一日不
覺青山映黃髮爲畫龍門八節灘待向伊川買泉石

遊三遊洞

凍雨霏霏半成雪遊人屨冷蒼崖滑不辭携被岩底眠洞口
雲深夜無月

滄洲亭懷古

沈睿達

瀟水悠悠天際來。夾江古木抱山回。柵中人物不滿把。日晏市散多蒼苔。九疑巉天古雲埋。遙想帝子龍車迴。心衰目極何可望。九歌寂寂令人哀。

虞美人草

曾子固

鴻門玉斗紛如雪。十萬降兵夜流血。咸陽官殿三月紅。霸業已隨煙燼滅。剛強必死仁義玉。陰陵失道非天亡。英雄本學萬人敵。何用屑屑悲紅粧。三軍散盡旌旗倒。玉帳佳人坐中老。香魂夜逐劍光飛。青血化為原上草。芳心寂寞實寄寒枝。舊曲聞來似歛眉。哀怨徘徊愁不語。恰如初聽楚歌時。滔滔逝水流今古。漢楚興亡兩丘土。當年遺事久成空。慷慨樽前爲誰舞。

任氏閨世堂前大檜

蘇子由

君家大檜長百尺。根如車輪身如直。壯夫連臂不能抱。孤鶴高飛直上立。狂風動地舞枝幹。大雪翻空洗顏色。人言此檜三百年。未知昔是何人植。君家大夫老不遇。一生直氣未嘗屈。沒身不說歸故里。遺愛自知懷舊邑。此翁此檜兩相似。相與閱世何終極。汝南山淺無良材。櫟社棟椽聊障日。便令殺身起大厦。亦恐船材無匹敵。且留枝葉撓雲霓。猶得世人長歎息。

寒夜

張文潛

暗空無星雲抹漆。邑犬叫野人履霜。歲云暮矣風落木。夜如何其斗插江。屋頭眠雞正寂寂。野縣嚴鼓先逢逢。摩挲老面起吹火。春色牀頭酒滿缸。

謁客

入門投謁吏翩翩我非欲見禮則然異哉賓主兩無語客起
即走如避燃我已不恭愧昔賢忍使塗炭朝衣冠人生暫聚
鴻集川春風吹飛何後先

有感

群兒鞭笞學官府翁憐兒癡傍笑侮翁出坐曹鞭復呵賢於
群兒能幾何兒曹相鞭以爲戲翁怒鞭人血流地等爲戲劇
誰後先我笑謂翁兒更賢

比鄰賣餅兒

城頭月落霜如雪樓頭五更聲欲絕捧盤出戶歌一聲市樓
東西人未行北風吹衣射我餅不憂衣單憂餅冷業無高卑
志當堅男兒有求安得閑

奉先寺

荒涼城南奉先寺後宮美公公墓此角樓相望高起墳草間
柏下多石人秩早焚骨不作塚青石浮屠當丘壠家二墳上
作享亭朱門相向無人聲樹頭土泉作人語月黑風悲鬼搖
樹宮中養女作子孫年三犢甲來作主廢石陵園官道側家
破無人掃陵域官家歲給半千錢街頭買餅作寒食

美哉

美哉洋：清潁尾西通天邑二無千里舸舫大編起危檣淮潁
耕田倍收米芒：陂澤帶平原古時溝澗還相連昔人屯田
戍兵處今人阡陌連丘墓今三年雨足種麥多北風吹桑鳴空
柯高城回望鬱嵯峨豐年間井聞笙歌河邊古隄多老柳去
馬來船一回首百年去住不由人歲暮天寒聊飲酒

二月見梅

唐子西

桃花能紅李能白春深何處無顏色不應尚有一枝梅可是
東君苦留客向來開處當嚴令白者未白紅未紅只今已是
文人行肯與年少爭春風

燕思亭

馬子才

李白騎鯨飛上天江南風月雨多年縱有高亭與美酒何人
一斗詩百篇主人定是金龜老未到亭中名已好紫蟹肥時
晚稻香黃雞啄處秋風早我恨金鑾殿上人醉著宮錦烏角
巾巨靈擘山洪河竭長鯨吸海萬壑貧如傾元氣入胷腹須
吏百媚生陽春讀書不必破禹卷筆下自有鬼與神我曹本
是狂吟客寄語溪山莫相憶他年須使襄陽兒再唱銅鑿滿
街陌

暢道姑

秦少游

瞳人剪水腰如束一幅烏紗裹寒玉超然自有姑射姿回看
粉黛皆塵俗霧閣雲窓人莫窺門前車馬任東西禮罷曉壇
春日靜落紅滿地乳鴉啼

和黃法曹憶建溪梅花

海陵參軍不枯槁醉憶梅花愁絕倒為伶一樹傍寒溪花水
多情自相惱清淚斑斑知有恨春相逢苦不早甘心結子
待君來洗雨梳風為誰好誰云廣平心似鐵不惜珠璣與揮
掃日落參橫畫角哀暗香消盡令人老天分四時不相貸孤
芳轉盼同衰草要須健步遠移歸亂插繁華向晴昊

題太乙真人蓮葉圖

韓子蒼

太乙真人蓮葉舟脫巾露髮弄輕颿輕風為帆浪為楫看
玉宇浮中流中流蕩漾翠綃舞穩如龍驤萬斛舉不是峯頭

十文花世間那得葉如許龍眠畫手老人神尺素幻出真天
人恍然坐我水仙府蒼煙萬頃波鄰玉堂學士今劉向禁
直岩堯九天上不須對此融心神會植青藜夜相訪

○陶淵明寫真圖

謝幼槃

淵明歸去得陽曲杖藜蒲鞵下幅陰老樹轉黃鸝
東籬粲霜菊世紛無盡過眼空生事不豐隨意足
廟堂之安老蓬蒿環堵蕭條僅容膝大兒頑鈍懶
詩書小兒嬌癡愛梨栗老妻日暮荷鋤歸欣然
一炊共蠟室我詩未遣愁肝腎醉裏呼兒供紙筆
時得句輒言之五言平淡用一律田家酒熟夜打門
頭上自有漉酒巾之農時問桑麻長提壺挈榼來
相覩一樽徑醉北牕卧蕭然自謂羲皇人此公聞道
窮亦樂容貌不枯似丹渥儒林紛出溷濁山林高義
久寂寞假令

九原今可作舉公藍輿也不惡

伐棘篇

路振知制誥

伐棘何所山之巔秋風騷騰棘子丹折根破抵堅且頑
斷夫越起汗汗顏攢鋒束芒趨道還稭之森森繚長藩
暮冬號風雪暗天漏寒不鳴守犬眠主人堂上多金錢
東陵暴客來窺垣舉手觸鋒身墮顛千矛萬戟爭後先
襟袖結裂不可指蹠破指傷流血殷神離氣沮走踣躓
數尺之墻弗復攀索頭醜奴搔河壩朔方屯師連七年
木波馬領沙填填氣脉不絕如喉咽官軍虎怒思吼軒
強弩一發山河穿將不叶謀空即安翫養小醜成兇顛
推芻挽粟徒喧喧邊臣無心靜國艱爲余諷此伐棘篇

墨染絲

郭功父

殿中丞

綵絲自喜如霜白輸入官家吏嫌黑手持印競得呼倏見
長條染深墨墨絲歸織家人衣別買輸官吏嗔遲實巨夷狄
與三軍汝得豐衣民苦辛

浯溪

潘邠老

名大臨寓居齊文唐大僕卿季荀之後

公泛浯溪春水船繫帆啼鳥青崖邊次山作頌今幾年當時
治亂春風前明皇聰明真晚謬乾坤付與哥奴手骨肉何傷
九廟焚蜀山騎驢不回首天下寧知再有唐皇帝紫袍迎上
皇神氣蒼忙吾敢惜兒不終孝聽五郎父子幾何不豺虎君
臣寧能責胡虜南內淒涼誰得知人間稱家作端午平生不
識顏真卿去年不答高將軍老來讀碑淚橫臆公詩與碑當
共行不賞邊功寧有許臨詩一章猶敢語兩淋日炙字未訛
千秋萬歲所墜多

送董元達

謝無逸

讀書不作儒生酸躍馬西入金城關塞垣苦寒風氣惡歸來
面皴鬚眉斑先皇召見延和殿議論慷慨天開顏謗書盈箠
不復辯脫身來看江南山長江袞々蛟龍怒扁舟此去何當
還大梁城裏定相見玉川破屋應數間

鐵柱觀

豫章城南老子宮堦前一柱立積缺云是旌陽役萬鬼夜半
昇來老蛟穴挿定三江不沸騰切勿搖撼坤軸裂蒼苔包累
鱗皴皮我欲摩娑肘屢掣手旌陽挈家上天去只留千夫應門
戶西山高處風露寒茲事恍惚從誰語安得猛士若朱亥袖
往橫山打狂虜

豫章別李元中宣德

舊聞諸李隱龍眠伯時已老元中少一行作吏各天涯故人
落落疎星曉西山影裏識君面碧照章江眸子瞭向來問道
渺多岐只今領略歸玄妙老鳳垂頭噤不語古木查牙噪春
鳥身在幕府心江湖左胥右律但坐嘯第愁一葉釣漁舟不
容七尺堂堂表我今歸卧靈谷雲君應紫禁鶯花繞相思有
夢到茅齋細雨青燈坐林杪

聞徐師川自京師還豫章

九衢塵裏無停輶君居陋巷不出遊滿城惡少弋鳧鴈對面
故人風馬牛別後夢寒燈火夜歸來眠冷江湖秋馮驩老大
食不飽起視八荒提蒯緱

縱步湘江

張芸叟

名舜民邠州人號淳休居士右諫議大夫

今朝不易得天晴閑過江西取意行忽然林外見山色又向

橋邊聞水聲綠竹長松間挑
醉不知晚風吹過湘江水

李天然翠幕圍羅綺日暮歸

紫驕馬

許彥國

黃金絡頭玉為轡蜀錦障泥亂雲葉花間顧影驕不行萬里
龍駒空汗血露牀秋粟飽不食青芻首宿無顏色君不見東
郊瘦馬百戰場天寒日暮烏啄瘡

秋雨歎

霖雨不出動隔旬門前秋草長於人江湖浩渺欲無岸錦石
寂小猶生雲微陽片月何曾見只有莓苔昏筆硯田家黍稷
未暇悲茅屋且為螢火飛

早春偶題

崔德符

寒風浙瀝鳴枯葦小鴨睡殘猶未起更教細雨結輕寒坐聽

蕭蕭打窓紙石盆養蒲已抽翠雕斛栽花先弄紫擁爐閉閣
賦幽香未怕春冰生硯水

阻風雨封家市

李商老

往時李成寫驟雨萬里古色毫端聚行人深藏鳥不度便覺
非復鵝溪素龍眠老腕作陽關北風低草雲埋山行人客子
兩愁絕未信蒲萄能解頰兩郎了解人意似是畫我封家
市戲作新詩排畫睡忽有野鴈鳴煙際

夢訪友生

李鏗

少年結客長安城妄喜縱酒工章程支離老去一茅屋梳書
臥聞長短更友生相望止百里寒夜寥闊無微聲夢中乘輿
輒見戴剡溪聊爾扁舟行魯策遽一榻上不用僮僕爭歡
迎吹燈弄筆欲書寄窓前白月方亭亭

和李伯玉用東坡韻賦梅花

朱仲晦

北風日、靈江村歸夢正爾勞登魂忽聞梅蕊臘前破楚客
不受蘭佩昏尋幽舊識此堂古曳杖偶集僧家園風陰春物
未全到邂逅只有南枝温冷光自照眼色界雲艷未怯扶桑
暎遙知雲邊溪上路玉樹十里藏山門自憐塵羈不得去坐
想佳處知難言但哦君詩慰岑寂已似共倒花前罇

用東坡韻賦梅花適得元復書因復賦此寄意

羅浮山下黃茅村蘇仙仙去餘詩魂梅花自入三疊曲至今
不受蠻煙昏佳名一旦異凡木絕艷千古高名園却憐冰質
不自煖雖有步障難為温羞同桃李媚春色敢與葵藿爭朝
暎歸來只有脩竹伴寒歷自掩疎離門亦知真意還有在未
覺浩氣終難言一杯勸汝吾不淺要汝共保山林罇

○丁丑冬在温陵陪敦宗李又和東坡梅花詩昨日見
梅追省前事忽五年再和一篇呈諸友同賦

江梅欲破江南村無人解與招芳
一洗煙塵昏天憐絕艷世無匹故
追尋實依山園自欣羞笛
娛夜未要鄒律回春温連娟窺水
墮殘月的皦泣露晞晨
散海山清游記玉面衰病此日空
賦豈必皆成言雕鑄肝腎竟何益
况復制酒哦空罇

讀通鑑紀事本末用武夷唱和元韻寄機仲

先生諫疏莫與傳忠憤激烈號
文字相周旋上書乞得聊自屏清
往莫悔鉉槩職業今當專要將報
然羣詞比事有深意憑愚護短驚
言未秉大文筆自幸

已執留堂鞞果然救遣六丁取香
皇鑿陽剝欲盡生玄泉明年定對
虎殿更誦大學中庸篇

○過平原縣

文宋瑞

平原太守顏真卿長又天子不知名
一以無堅城君家兄弟奮戈起一
分軍還不敢長驅入咸京明皇
兵唐家再造李郭力若論牽制
歸朝延氣不折崎嶇坎壈不
脫安祿山白首竟陷李希列希
日月亂臣賊子歸何所茫茫煙
忠精赫赫雷行天

赤壁風月笛圖

李之純

石純甫弘州人向書右司都事

文粹卷二十九 二十四
鉦鼓掀天旗脚紅老狐膽落武昌果書生那得麾白羽誰識
潭之蓋世雄裕陵果用軼為將黃河倒捲前西戎却教載酒
月明中船尾鳴一笛風九原喚起周公瑾笑煞儋州秃髮
翁

虞舜卿送橙酒

屏山持律不作詩硯塵筆禿繁絲枯腸燥吻思長。法當
以酒疏滯之何物督郵風味惡。堪觸閑愁無處著。苦思新釀
壓橙香。世間那有揚州鶴。乞詩送酒並柴門。瀛洲仙裔令公
孫。肺脹憤痒芒角出。傾瀉長句如翻盆。怪汝胸中雲夢九老
我眼皮危塞破徑呼短李與黔王。快取錦囊收玉唾。

中秋對月

蕭真卿

名真字誠陽人戶部出書謚文簡

去年中秋客神京露坐舉盃邀日。明今年還對去年月北風

黃草遼西城年。月色長清好只有悲秋人易老兒童不
憶長安歌舞團團繞翁媪人生宦游真可憐不知何處度明
年預愁老罷廢詩酒負此冰玉秋嬋娟我生萬事隨緣耳居
自無憂行亦喜君不見杜子閨中只獨看鄜州寂寞千山裏

雪谷曉裝圖

龐才

名才字大興人號然翁仕至京兆運使

溪流咽。山昏。前山後山同一雲天公談笑玉雪噴散為
花蘂白絲。詩翁瘦馬之何許忍凍吟詩大清古老奴寒縮
私自語作奴莫比詩奴苦不儘石老鳥不飛山路益深詩益
奇老奴忍笑憐翁癡不知嗜好乃爾為揚侯曾中富丘壑醉
裏筆端驅雪落因何不把此詩翁畫向草堂深處著

田器之燕子圖

田君才略燕雲客少年累有安邊策悔從筆硯取功名直要

橫馳沙漠北塞垣春雪白皚皚東風未放玄陰開烏衣之國
定何許一雙燕子能飛來三平驛舍安西道眼底鶯花無夢
到忽見低飛入短簷此身似回邯鄲覺君居海東我中原相
逢乃在穹廬前天涯流落俱為客感時念遠空潸然長安何
限高閣晝夜風悶開翠幕底事猜嫌不往依甘從此地風
沙惡土人嗜肉無仁心一生弋獵誇從禽有巢幸穩勿浪出
汝身未必輕千金朝來暮去益狎昵物我相忘情意一但怪
重裘積漸添元是西風催社日須知音巧惟鷓鴣忽來坐隅
如告辭我方留寓未歸得為君忍賦傷心詩成自述聊為
戲繫足封之亦無意燕已歸飛我未歸刀斗聲中忽驚歲旄
頭夜落妖氛收嫖姚獻凱歸州玉關早喜班超入北海不
聞蘇武留君才經世寧終枉希府須賢來上黨別後歸期兩

及瓜人間秋燕十來往沉沉官舍紅芳稀葛衣燕居澹忘機
忽聞巧語入簷戶大似相識來相依一飛簷外窺庭樹一上
屏山鷲不去解足分明得帛書真是當年留別句天生萬物
禽最微固耶偶耶吾不知古道益遠交情醜朝恩暮怨雲遷
移當時握手悲別離一旦富貴弃如遺聞予燕歌應自疑慎
無示之嗔我譏

飛山怨

高獻臣

漢家自有飛將軍軍中駭嘆箭有神一朝乃與獄吏對惜無
千金書牘背手把屬鏤口啣須號天者三我何辜伊吾壯志
長已矣不得提携玉龍死可憐休唱白浮鳩至今秦人悲社
郵

贈中山楊果正卿

李平甫

士道彫喪秋天公陰霾慘々塵濛々三冬不雪春未雨野桃
無恙城西紅春光為誰作駘蕩造物若我哀龍鍾數行墨浪
合眼死一包閑氣終身窮中山公子文章雄雅隨童稚為彫
蟲禰衡不遇孔文舉坡老懶事陳元龍維之與阿將無同乾
坤萬里雙飛蓬飄々南北東西風

長城

高仲常

名憲遼東人泰和三年登第

秦人一鍛連鷄翼六國蕭條九州一祖龍跋扈侈心開牛豕
生民付鏃礮詩書簡用一炬空欲與三五爭相雄阿房未了
蜀山兀石梁擬駕滄溟東生人膏血俱枯竭更築長城限裘
褐卧龍隱々半天下首出天山尾遼碣豈知亡秦非外兵宮
中指鹿皆庸奴驪原宿草猶未變咸陽三月為丘墟黃沙白
草彌秋塞唯有坡陀故基在短衣匹馬獨歸時千古興亡成

一慨

沁源山中

王正之

名特起代州人

野夫不識武城宰問之無言色微改但說今年秋雨多黃
滿谷無人采踏徧西城錦石盤暮投佛屋解征鞍隔林
見燈火山谷人家初夜寒

雜詩

李天英

名經大定人

塵埃汨沒伺候工離騷不振矜魚蠹風雲誰復話蒼
履稀哀暑龍棧擲管坐書空咿嚶堂上酣歌鐘乃知造
戲兒童不妨遠目送歸鴻莫怪魏瓠無所容此去未許近
東五經不掃途轍窮門庭日月生皇風太阿剖室礪以石
掃鸛鶴搖天雄

跋范寬秦川圖

麻知幾

名九疇莫州人

山水人傳范家筆畫史推尊為第一竭來因看秦川圖天下
丹青能事畢大山巖：如國君小山鬱：如陪臣大石盤：
社與稷小石落：士與民一山一形似爭長一石一態如布
軍想君曾中有全秦見鏤削鏤：乃真掌上長安近於日千
樹萬樹生青春憶昔岐山鳳皇語葱：柝械露新雨昆夷東
手密須降不見功勛見歌舞黃金鑄牛西入焚五丁雲棧道
中國驪山宮闕九天高六處屋主走銜壁不信詩書信法家
關東半被魚書惑盡卷圖籍亦大好五十年兇都一掃章邯
董翳舉如毛沐猴冠委金陵道：原兵自天而下漢室傾頽
如鮮瓦祁山六出縱無功渭水猶堪飲君馬龍蟠老将骨未
朽草付那能濟陽九技癢投鞭抵歲星歸來鹿死何人手神
武空矜賀六渾投機常落周：後竟令馮翊軟沙邊東風一

夜吹新柳侵尋卓角相料理拋擲龍津浮汴水鷓頭過處已
非隋不覺晉陽人姓李華清高宮梧舞馬如何護兩都
縱得青驪還蜀道贖得沙塲白四言無興亡自取不足吁可憐
神州為盜區貪徵往古山川事：却題詩賞畫圖

夏日

亭柯碧合龍蛇影睡起聽鶯鳴曉井一簾曉雨捲不晴槐花
滿地黃金冷屈指西風又到門相思團扇欲生塵何時萬戶
垂楊裏高揖金鞭逢故人

昆陽元夜南寺小集

雷希顏名淵監
察御史

春皇短：生蘭芽東風嫺：吹芳華暗黃著柳小梅素月姊
新年恰十五東皇太一來翩：竹宮神光祀甘泉茂陵弓劍
沒秋草鳳燈煌：空自然當年曼衍魚龍舞回頭昭陽化飛

土昆陽客舍冷于冰破殿蕭條佛燈古雪消梁苑想春紅車
如流水馬游龍銀鉞載酒隨春風酒酣一爵百盃空韶華過
眼弦上箭人生得酒從歡醺北斗闌干夜參半耿々疎星淡
河漢

餐秀軒

王仲澤

名澤樞
密在司

秋風幾日搖霜樾秋色南山雨奇絕野人窓戶終日開要看
千秋秦嶺雪層崖深谷相吐吞落日白鹿東南奔野花雙塔
古蘭若樓觀縹渺煙霞昏玉山生玉人不識草木四時空好
色輞川舊與藍橋通細水至今流石室一川黃葉長安秋望
望不見令人愁書生不是濟時具收得閑身成此遊主人開
筵留客醉山雨多情濕征袂明朝騎馬上七盤迴首山家但
空翠

弔張器之

張吉甫

名建蒲城人絳州教官
應奉翰林院

惜哉器之真丈夫少年讀徧天下書一事不成死於途苗而
不秀有矣夫秀而不實有矣夫

○醉中

侯君澤

名冊

爛醉歸來驢失脚破靴指天冠倒卓起來白眼望青天狂氣
崢嶸無處著陶潛止酒意有在鋪糟醖醖良未害君看謝奕
對桓温得失老兵何足怪螟蛉螺贏侍二豪飲中寧有山家
濤平明徑訪陳驚坐相對春風把蟹螯

學古體

桐風吹月烏啼井蟾波濕露沉雲影素絲牽玉轉泉華美人
睡覺燕支冷銀鈎掛簾北牕曉翠環臨鏡雙鸞小黃衫少年
望不來寂々庭堦滿春草

秋夜長 王飛伯 名樹爵

秋風颯、吹庭樹傷心一葉隨風去葉隨風去何所之似我
年、困羈旅神膠紆屈泥中蟠青雲未到誰汝伶愁來不寐
起視夜斗柄斜指西南天

折揚柳

長安二月多綠楊遠信未到龍庭旁佳人中夜抱影坐風態
冷、愁思長青天無雲一鏡潔萬戶千門音響絕何人橫笛
在高樓玉龍叫徹春江月

贈石德固 張林卿 名翰秀容人

西湖之月清無塵橋中之樂猶避秦向來所見止此耳渠亦
豈是真知津如君眼孔乃許大萬事付之塵甑墮兒能詩書
又肯播著脚世間堪踏破青中玉帶桃李花日斜空望紫雲

車布衣誰識隱君子一馬瘡然何處家

感懷 張元佐 名溫上

彌月不出門出門沙漲東風昏老樹擺撼轟雷奔鬼物叫嘯
山、村僑居客子驚心魂歸來遶屋尋蘭蓀蘭蓀落索靈苗
主人醉倒老瓦盆衣袖半帶淋漓痕芸芸蕭艾同歸根天
生天殺何怨恩糟床與翁共清渾絕勝被髮叩帝閭

龔平甫森玉軒 孟友之 名宗獻開封人同知單州軍州事

古人借宅亦種竹大是饕餮心未足高齋聞有萬琅玕坐對
懷山飲秋綠官閑勝日無一事尊酒不空仍有肉他時剝啄
叩君門高枕矮床容我宿

無餘居士齋壁有沈傳師游道山岳麓詩石刻穆仲
等和之因亦次韻 李欽用 名獻用

湘西勝景豈易論群山騰闖萬馬奔鶴泉一麓騫鵬噉松風
十里藏祇園當時侍御偶題寫筆力孰敢爭雄尊東京少年
妙詞藻南陽舊族齊陰樊天心月脇出奇語使我展讀忘朝
昏差：文劍隱一敵落：旗鼓嚴千屯無餘居士厲幽志細
研六藝方專門凍骭嬌兒慣腸莫啼飢瘦婦餘淚痕惟君德
義久相恆每窮道妙角與根他人勸酒驕逐魂二子顛酌勤
空樽醉中詩成渺江海風外幡影徒飛翻卷藏篋笥已戢戢
風生襟袖何軒軒嗟乎我亦有餘腐陋執羊政囚華元

劉善長出示李伯時畫馬圖

朱少章

名弁吉州團練使

俯首舉尾拳一蹄掣韁欲嗅驕不嘶奚官聳肩兩足垂意兒
自與造父齊雞目麟鬣鳳呈臆玉山禾遠未容食爾雲追雷
有餘地置之畫圖人豈識精神權奇孰可班當在白兔青龍

問君知此馬從何來龍眼月中十二日

謝崔致君餉天花

三年北饌飽羶葷佳蔬頗憶南州味地菜方為九夏珍天花
忽從五臺至崔侯胃中散千卷金甌名相傳雲裔愛山亦如
謝康樂得此携歸豈容易應怜使館久寂寥分餉明人見深
意堆槃初見瑤草瘦鳴齒稍覺瓊枝脆樹雞濕爛慚扣門來
蛾青黃漫趨市赤城菌子立萬釘今日因君不知貴乖龍耳
僅免一割沙門業已通三世偃戈息民未有術雖復加餐菘
增媿雲山去此縱不遠口腹何容更相累報君此詩永為好
捧腹一笑萬事皆

黃石廟

趙濟甫

名滋亦人

狂豪擊車代無人神石一砥志乃信吹噓風雲渡楚秦

熾然四百春一編尚悒續後塵江山有待終此身望之久愁
橫目民朝陽淒霜未休江燕竟來江北游山回鼎終海橫
流天風何時清九州草泥自古踰王侯神奔不郵誰當蓋
割牲醢酒空千

榴花

元德明

秀容人號東昌
次山之後

山茶赤黃桃絳白戎葵米囊不入格庭中忽見安石梅嘆息
花中有真色生紅一撮掌中看模寫雖工更覺難詩到黃州
隔千里畫家辛苦費鉛丹

謝張使君夢弼餽春肉

牙豬肋厚一尺玉盞花入深蒸脫骨非芽麥甲春蒲盤走送
茅齋愆幽獨山人食貧才一粥幾被艾生朝首着食前方丈
非素懷頗憶懸瓠繞高屋呼來鄰吏共一飽為說使君方繼
肉飢民待哺今幾家無策贊君慚此腹區一肉見歌詠藿

食書生良米

却愁今夕夢寐間有物踏破園蔬綠

從趙

仙人囊

五色露得種昔與蒲桃俱猩、染花開五月已寬

秋實

庭除張園一酸齒欲裂君家兩株蜜不如竹馬元童

梨栗綠表聊為剥紅珠

仙雜詩

老雄健鬪夸擅場韓郎抱歸神色揚豈知黠兒出微倖毒手
一發不得効毳毛散灑尚可養利嘴一哆何由張青囊道人
何許来自言採藥吾有方垂髯嘆水濯殘血半啄隨手生新
黃箇籠竿開聞臍膊草冠已往徒驚忙神仙世有寧虛荒惜
執詭激不可量世人鷲勇天且割况於物也資強梁敷榮枯
拚變金石未若與世鍼膏育何須變化示狡獪知君辨作淮

南王蓬萊東望雲茫茫，愛而不見心為狂。刀圭不願換凡骨，且欲共醉無何鄉。

梁志信平遠山水

劉無黨

憶昔西游大梁苑，玉堂門閉花陰晚。壁間曾見郭熙畫，江南秋山小平遠。別來南北今十年，塵埃極目不見山。烏靴席帽動千里，只慣馬蹄車轍間。明窓短幅來何處，亂點依稀澗寒具。煥然神明頓還我，似向白玉堂中住。濛濛煙靄樹老蒼，上方樓閣山夕陽。一千頃碧照秋色，三十六峰凝曉光。懸崖高居誰氏宅，縹緲危欄蔭青樾。定知枕石高卧人，常笑騎驢遠遊客。當時畫史安定梁，想見泉石成膏肓。肯獨將妙意寄毫楮，我愧兩立隨諸郎。此行真成幾州錯，區區世路風波惡。還家持酒發願文，伴我山中老猿鶴。

連日雪惡用聚星堂雪詩韻

朔風朝來放雲葉，紛紛吹落龍沙雪。山河大地同一如，變化須臾亦奇絕。參天松頂老猶強，搶地竹頭低欲折。亂書快愛窓明狂入地，爐驚火滅去矣方。擁膏尚粟凍筆將書肘，先掣未容衰白點鬢華。只許醉紅生面緜，何人清唱隨梁塵。有客高吟霏錐屑，昔賢句法今尚在。斷臂阿誰心地瞥，後生曠世安敢望。故事歷劫徒能說，是中聖處公會無。一粒靈丹不學。

題十眉圖

寶箱拂塵金鋸鉞，周昉丹青見真筆。春風曾憶賦妖嬈，人共畫圖成十一。燭奴香底花光疑，錦鐵響聞三更車。聲雷動不通語眼態波橫，空送情蠻雲盤鶴。遼天闊岸玉依，對言扎人生何處不相逢。還醉武陵溪上月。

郭熙秋山平遠用東坡韻

槐花忙過舉子閑
舊游憶在夷門山
玉堂會見郭熙畫
拂拭縑素塵埃間
楚天極目江天遠
楓林渡頭秋思晚
煙中一葉認扁舟
雨外數峰橫翠嶺
淮安客宦踰三霜
雲夢澤連襄漢陽
平生獨不見寫本
惜飲山綠滄湖光
老來思歸真日夢
想林泉對華髮
丹青安得此一流
畫我橫筇水中石

金山

袁世傑

我從渡淮涉高郵
雪風連日吹行舟
維揚地面闖夜色
星月隱見邊城樓
晴光破曉射瓜步
照曜玉宇開瓊洲
馮夷收威浪安帖
容我一到金山頭
金山勝槩冠吳楚
萬礎礮峙江中流
平生夢寐不到處
乃以工事從私游
鍾山雨花落眼底
海門鶴崖波際浮
川開林闕望不極
但見遠色明輕鷗
風煙渺漭

吳晉士行役有程難久留
一標未舉帆影轉已看浙樹招旗旒

趙飛燕寫真

昭陽宮裏千蛾眉
中有一人輕欲飛
姊妹寅緣特新寵
六宮鉛粉無光輝
春回太液花如繡
花底輕風扶翠袖
君恩不許作飛仙
變積宮裙留淺皺
君王貪宴溫柔鄉
木門不省搖倉琅
避風臺成略今古
空使遺如驚霓裳
當年傾城復傾國
誰寫餘妍入丹碧
背燈擁髻一潸然
不應尚有樊通德

底柱圖

周德鄉

鬼門幽險深百篙
人門過窄逾兩牢
舟人叫渡口流血
性命咫尺輕鴻毛
開圖頓覺風雷怒
素髮飄蕭激衰腐
河來天上石不移
安得此心如底柱

吊張益之

當年讀書山堂中夜喜與君燈火同塵編壞簡如蠹攻弱質
鄙鈍煩磨礪新詩如洗露芒鋒洗氣欲倒浮雲駭輕裘肥馬
世上雄吾徒一飯嘗未充君如孔翠愁彫籠我亦哀鴻避鳴
弓孤城一別天西東幾見黃葉飛霜風寄書無由魂夢通而
望落日銜千峰他時雲雨儻相逢猶似驚雷起池龍鬼神無
賴欺天公哀哉若人竟死窮自聞君亡早生宵上訴九關無
路從百年過眼如轉蓬夢時憂樂覺即空長夜漫漫何時終
作詩寄哀投殯宮

和崔深道春寒

趙文孺名風禮部郎中

長風忽落青林端風聲洶若江聲寒太陰盤礴亂天序推書
撲筆成長嘆美人何許媚幽獨使我不見心無歡頗聞隱居

誦莊屈蓬窓坐擁塵編殘琴歌酒賦兩寒莫懸知此興殊未
闌渾君一來吐欵要舉盃放目雲天寬

西城觀水

西山秋水來天地巨野橫流浩無際長風感浪鱗甲生兩角
斜分半山際繚堤北去接飛橋鼓鼙單洶翻驚濤中流突兀玉
山起直疑河伯驅靈鰲冷光搖蕩秋雲白渾似夢中游震澤
隔林我欲喚漁郎孤帆忽如過鳥翼安得酒船常拍浮四時
甘味置兩頭何人與我同此樂頴陽試覓元丹丘

暮春郭南

王逸賓名隱林梁人主簿

大梁城外孤臺傍煙昏水碧春林芳憑高極目見歸鴈風物
令人思故鄉紫金山下斜陽暮萬里川光照雲樹山間細雨
花落時何人來往東風路

猴馬

陳無已

沐猴自戲馬自驚。國人未解猴馬情。猴其天資馬何罪。意欲防患猶傷生。異類相宜亦相失。同類相傷非所及。志行萬里困一誤。吐豆齧芟甘伏櫪。

蠅虎

物微趣下世。不數隨力捕。生得稱虎匿。形注目搖兩股卒。然一擊勢莫禦。十中失一八九取。吻間流血腹如鼓。却行奮擊吾甚武。明日淮南作端午。

效山谷體

胡元任

名仔號若溪。隱宋宣和間。官建安。

青玻璃色瑩長空。爛銀盤掛屋山東。晚涼徐度一襟風。天分風月相管領。對之枝癢誰能忍。吟哦自恨詩才窘。掃寬露坐發興新。浮蛆琰、拋青春。不妨舉醖成三人。

白菊

宋文公通

西風蕭颯百草黃。南齋白菊占秋芳。主人好事不專饗。擷送客館分幽香。幽香清豔兩難得。冰雪肌膚龍麝衰。悄然坐我藥珠宮。玉斧瑤姬皆舊識。仙家藝菊名日精。我今號爾為月英。月中風露秋夕好。感此仙種來曾城。憑君傳與金天令。月與霜姿駐清景。重陽好伴白衣來。五柳先生憶三迳。

還舍作

燕山歸來頭已白。自笑客中仍作客。此生悲歡不可料。况復吾年過半百。故人驚我酒尚狂。為洗蟬壘貯春色。酒闌人散月盈庭。靜聽清渠流泚泚。

復用九日詩韻呈黃壽鵬

朱師美

名之才。洛西三鄉人。崇寧諫官。

忽天星二十九。當年曾醉瓊林酒。春風射策紫垣深。猶記靈

和殿前柳與君雖異千佛名出入南宮同戶牖春蠶食葉七
千人看君運筆如揮帚妙齡忠氣軼衡蒿餘子紛々真培塿
那知晚節岱陽城白髮蒼顏兩閑叟君材有如萬斛舟顧我
碌才放肩斗時窮壯士或飯牛遇合封侯起屠狗東臯有田供
王賦天寒且輟扶犁手寂寥圭竇對書冊火冷燈青夜方久
先生乘輿肯相過亦有青蚨沾玉友

自鄜州罷任歸宿澠池道中有虎為暴 朱好謙

峭山之阿澠之滸行路蕭條正艱阻日落山空澗水哀市門
靜閉防飢虎前年張茅殺餉婦今歲食盧斷行旅我來萬里
逐一官安可不戒為汝脯晝持弓矢夜枕戈靜匿兒童防笑
語白額將軍莫笑人世無劉琨當畏汝

浙江亭觀潮 任君謨 名勗 易

海門東望滄溟闊朝來怒捲千尋雪浙江亭下擊飛雲蛟蜃
爭馳奮鬚鬣鉅鹿之戰百萬集呼聲響震坤軸立昆陽夜出
雨懸河劍戟奔衝潰尋邑吳儂稚時學弄潮形色沮懦心膽
嘉青旗出沒波濤裏一擲性命輕鴻毛須臾風送潮頭息亂
山稠疊傷心碧西興浦口又斜暉相望會稽雲半赤詩家誰
有坡仙筆稱與江山作勍敵接毫三叫句不成但覺雲濤滿
肖臆

晚夏驛騎再之涼陘觀獵山間往來十有五日因書

成詩 蔡伯堅 名松年尚書右丞
自號蕭閑老人

兜羅葱鬱浮空青曉日馬頭雙眼明名山不作世俗態千里
傾蓋來相迎老松閱世幾千尺玉骨冷風戰天碧應笑年年
空往來塵土勞生踵陳迹山回晚宿一川花前金裁碧明煙沙

寒鄉絕艷自開落欲慰寂寞無流霞明日行營獵山麓古樹
寒泉更深綠強臨水玉照鬢毛只恐山靈怪吾俗陂潮不盡
水如天清波白鷗自在眠平時朝市手遮日思把一竿呼釣
船驛騎回時山更好過雨秋容靜如掃山英知我宦游心為
出清光慰枯槁可憐歲月易侵尋慙愧山川知我心一行作
吏豈得已歸意久在西山岑他年俗累粗能畢雲水一區供
老佚舉盃西北酌山川為道此言吾不食

醫巫閭

蔡正甫

名珪松年之子
官至禮部郎中

幽州北鎮高且雄倚天萬仞蟠天東祖龍力驅不肯去至今
鞭血餘殷紅崩崖暗谷森雲樹蕭寺門橫入山路誰道營丘
筆有神只得峰巒兩三處我方萬里來天涯坡陀繚繞昏風
沙直教眼界增明秀好在嵐光日夕佳封龍山邊生處樂此

山之間亦不惡他年南北兩生涯不妨世有揚州鶴

保德軍中秋

定羗城下河南流定羗城上三層樓使君置酒勞行役今夕
何夕當中秋孤煙落日明天末洶湧碧雲俄暮合惶惶騎馬
雨中歸造物戲人無乃虐統如戍鼓方三更夢回一室還虛
明出門驚笑遽如許浮雲四卷秋天清誰家高會寒珠箔笑
語聲從雲外落倦客明朝又短亭行人何似居人樂

秋日書事

馬子

名定國監察御史翰林學士

南山悠悠去天尺雀寒未晚爭投棘野人籬落不勝荒溪欲
絕流堆亂石小園蔬藥知有無未免杖藜煩兩屐霧濛甘菊
細莖紫風動牽牛晚花碧鄰舍翁歸竹几空秋天日落松窗
寐小盃翻酒足自娛閭巷浮沉真可惜

文翰類選大成卷第二十九

文翰類選大成卷第三十七言古詩目錄

元

元裕之二首 杜文玉一首 王磐一首 楊奐然一首

劉慶吉六首 盧處道一首 李子搆一首 虞伯生八首

馬伯庸一首 王繼學一首 范德機三首 謝端一首

姚樞一首 周景遠一首 貫海涯二首 陳剛中一首

鮮于伯機一首 趙子昂五首 盧彥威一首 字木子暈一首

胡汲仲一首 楊仲弘二首 揭曼碩三首 黃子肅一首

周衡之二首 胡尊生二首 陸文奎一首 李坦之一首

薩天錫一首 歐陽伯恭一首 陳衆仲二首 張仲舉二首

李季和二首 吳師道十首 韓中材二首 王在中一首

林德陽一首 貢泰甫一首 成廷珪三首 陳古春一首

吳維申一首 程以文一首 萬德躬一首 楊廉夫一首

龍子高二首 程文海四首 滕王雲一首 劉時中一首

聶古栢一首 龔楚清一首 薛宗海一首 傅謙則一首

許益之六首 郝伯常二首 元復初一首 卜友曾一首

杜仲高一首 袁德平一首 陳茂鄉一首 劉声之一首

毛靜可二首 黃晉鄉一首 顏淵伯二首 王尚志一首

傅景文一首 趙春洲一首 李仲公二首 辜德中三首

陳元弼一首 江叔載一首 徐伯通二首 劉愈珎一首

歐陽原功一首 方求一首 徐則聞四首 劉子明一首

余正鄉一首 趙德元一首 周子震一首 馬子尚一首

葉景南四首 丁守中四首 吳立夫八首 張惟中七首

林彥華九首 揭希章一首 龔子敬一首 彭元亮一首

何夢桂一首 劉會孟一首 謝敬德一首 戴祖禹一首

趙簾友一首 盧公載一首 徐天逸一首 張光弼四首

尹仲明一首 首

文翰類選大成卷之三十七言古詩目錄

長 盡入

文翰類選大成卷第三十

七長史上海李伯璣編輯

伴讀四明馮厚校正

詩類七言古

元

鄧州城樓

元裕之

鄧州城下湍水流鄧州城隅多古丘
隆中布衣不復見浮雲西北空悠悠
長鯨駕空海波立老鶴叫月蒼煙愁
自古江山感遊子今人誰解賦登樓

結楊柳怨

長樂坡前一杯酒鄭重行人結楊柳
可憐楊柳千萬條看看盡入行人手
輕煙細雨綠相和惱亂春風態度多
路人愛此

風流樹無柰朝攀暮折何朝攀暮折何時了不道行人暗中
老素衣今日洛陽塵白髮明朝塞城草柳色年年歲歲青關
情何事管離情春風誰向丁寧道折盡柔條莫再生

吊故宮

杜文玉名瑛號緜山

月上觚稜椒壁濕飢鳥啄碎琅玕石劫灰飛盡海揚塵廢殿
荒臺土花碧洛陽書生汴梁客一夜秋風頭欲白尊中賴有
酒如泉醉倚寒窓破愁寂

巨源相過話舊有感

王恕

中統三年春二月變起青齊帶吳越鯨鯢轉側海波翻城郭
橫尸野流血我時辛苦賊中來兵塵積糊眼不開妻孥棄捐
豺虎口飛蓬飄轉無根芟大寒日暮齊河縣破驛荒涼絕烟
爨騎行驛馬鈍如蛙官吏散逃無處喚與君此地忽相逢行

臺郎官氣壯雄開我白頭遭亂壯我臨難全孤忠急呼驛
吏具鞍馬送我厄路還亨通叨晨相隨濟南去出入條侯營
壘中死生契濶不相棄起居飲食常相同福祿山華注日在眼
綿歷春草及秋風四郊斫木祭柘盡藥源飲馬波濤空兗渠
腰領一冒野草始見齊魯收烟烽巨源且坐我欲高歌
君可和往事回頭十五年猶想離魂招楚些一身逢喪亂百憂
纏生不成名空老大我依破硯竊思榮君在雄藩收最課流
萍鬢聚不多時且喜相看顏一破我衰無力訪君難願君有
暇頭相過

有懷梁仲經父

楊煥然

美人熒熒在何處海闊天低隔烟霧珊瑚零落芙蓉空咫尺
相望迷去路翠釐金龜雙鳳凰風吹環佩聲琅琅靈鷲狼籍

事已往一目萬里愁茫。劉郎竟是誰家客。歲晚霜華秋葉
赤。美人笑。在何處。鴨綠江頭江月白。

渡白溝

劉夢吉

東北天高連海嶼。太行蟠。如怒虎。一聲霜。鴈界河。秋感慨。
孤懷幾千古。只知南北限。長江誰割鴻溝來。此處三關南下。
望風雲。萬里長風見。高舉萊公灑。落近雄才。顯德千年亦矣。
主謀臣。史臣強解事。狂著渠頭汗。吾鼓十年鐵硯。自庸奴五
載兒。皇安足數。當時一失。榆關路便覺。燕雲非我土。更從晚
唐望。沙陀自此橫流穿。一縷誰知江北杜鵑來。正見海東青
鳥去。漁陽搥鼓鳴。地中鷓鴣飛。滿梁園樹黃雲白。草西樓暮
木葉山頭幾。風雨只應漠。黃龍府比似愁岡。更愁苦。天教
遺孽說向人。凍雨。宿雲結。淒楚古稱幽燕多義烈。嗚咽泉聲
瀉餘怒。仰天大笑東風來。寒放殘陽指歸渡。

宋理宗書宮扇

天津月明啼杜鵑。梁園春色凝寒烟。傷心莫說靖康前。吳山
又到繁華年。繁華幾時春。已換千秋萬古台。歡扇銷。雀香銷
見墨痕。秋去秋來幾恩怨。一聲白鴈更西風。冠蓋散為煙霧
空。百錢襪錦天。留在禍胎要鑿驪山宮。當時夢裏金銀闕。百
子樓前無六月瓊枝秀。發後庭春珠簾晴捲。天門雪棹歌一
曲。白雲秋不覺。金人淚暗流。乾坤幾度青城月。扇影無情也
解愁。五雲回首燕山北。燕山雪花大如席。雪花漫漫水。我
大風起兮柰爾何。

登荆軻山

兩山嶮嶮補天色。中有萬斛江聲哀。人言此地荆軻館。尚餘

廢壘山之隈太子西來函關開誰信生兒為禍胎筆頭斷取
江山去已覺全燕如死灰馬遷尚俠非史才淵明憤世傷幽
懷春秋盜例久不舉紫陽老筆生風雷遺臺古樹空崔嵬平
燕落日寒煙堆紛紛此世亦良苦今古燕秦經幾回憂來徑
欲浮蓬萊安得魯連同一盃碣石東頭喚羨門六鰲載我三
山來

幻安濯足圖

漢家無復雲臺功生平不識大耳公眼中天意鏡中語此身
只有扁舟東閩東諸公亦英雄百年能辨山陽封歸來老栢
號秋風世路悠悠七十翁乾坤故物兩足在霜海浮雲空復
空無刀可斷華太尉有死不爲一太中丹青白帽凜冰雪高
山目送冥飛鴻爲問蘇家姓萬古北海誰真龍

歸去來圖

淵明豪氣昔未除翱翔八表凌天衢歸來荒徑手自鋤草中
恐皇劉寄奴中年欲與夷皓俱晚節樂地歸唐虞平生磊磊
一物無停雲懷人早所蓄有酒今與麴通浩眼中之人不可
呼哀歌撫摻豎耳鳴鳴

采菊圖

天門折翼不再舉拍手四海橫流前長星飲汝一盃酒留我
萬古羲皇天廟堂袞袞宋元動誰信東籬有晉臣南山果識
悠然處不惜寒香持贈君

淵明歸來圖

盧處道

留侯挽歲游赤松武侯早歲稱卧龍亡秦扶漢聲隆隆淵明
初非避俗翁兩侯大節將無同陽外特書晉甲子辭鋒時露

長沙雄王弘何幸奉吾足督郵能芥平生曾門前五柳春濛濛
濛落絮不與江波東環堵蕭然吾未窮北牕儘有羲皇風畫
圖不盡千古意詩成一笑浮雲空

過黃陵廟

李季構名材

黃陵廟前湘水綠天寒漁郎唱巴曲沙棠舟上月蒼蒼翠蛟
白蜃江茫茫似聞清愁五十柱萬里鴻飛楓葉暮神鴉翻舞
祠門開珠裳玉袖霑莓苔玄猿晝啼蘿薜影赤鱗夜去芙蓉
冷北渚淚痕斑竹紋南風哀思蒼梧雲山頭古桂秋露碧山
下江流豈終極荒涼揭車雜杜蘅靈風自吹煙霧旌輕帆晚
向芳洲泊聊薦蘋羞奠蘭酌沉有汜兮湘有沱洞庭木落生
曾波裴回獨詠騷人歌

送孟脩兄南歸

虞伯生

老兄五月來作客八年不見頭絲白五人兄弟四人在每憶
中郎淚霑臆我家蜀西忠孝門無田無宅惟書存兄雖管庫
實父蔭弟竊餘澤承君恩文章不如仲氏好叔氏最少今亦
老土郎十歲未知學嗟我胡爲長遠道諸兒讀書俱不多又
不力耕知柰何憂來唯得二三友看花把酒臨風歌蜀山嗟
峨歸未得盤盤先隴臨川側碧梧翠竹手自移應與青松各
千尺南風吹雪河始冰兄歸烏帽何累累明年乞身向天子
共讀父書歌太平

金人出塞圖

海風吹沙如捲濤高爲陸碛深爲塲築壘其上嚴周遭名王
專居氣振豪肉食渾飲田爲遨八月草白風颼颼馬食草實
輕骨毛加弦試弓復置囊今日不樂心慙慙什什伍伍呼其

曹銀黃免鷓明繡袍鷓鴣小管隨鳴靴背孤向虛出北臯
海東之鷓鴣王不驕錦鞵金鍍紅絨條按習久蓄思一趨是時
晶清天翳絕鴛鴦東來雲帖帖去地萬仞天一瞥離婁禽望
目力竭微如聞音鷓一掣束鶴上不回折遂使孤飛一片雲
頃刻平蕪洒毛血爭誇得雋頓足悅旌旗先歸向城闕落日
悲風起蕭屑烟塵滿城鼓微咽大酋要王具甘鬻王亦欣然
沃焦熟闕支出迎騎小賦琵琶兩姬紅顰頰舞歌迭進醉燭
滅穹廬斜薄毳氍毹

董元夏景山口待渡圖

董元夏山何可得嘉木千章鐵作畫層巒總含雨氣潤百谷
正受川光溢犬牙洲渚善泐洄滄江散落碣石開山田何處
無耕鑿尋源不得還徘徊柳下行人將有適臨流不度心爲

惻我楫孔堅舟孔安奉子以濟諒非難

為達兼善御史題墨竹

蜀道荒涼多古木首當千尺相因依少年慣見今白髮杜宇
夜啼愁不歸老可嘗作陵州守古墨蛟龍多入手春雷每恐
破壁去神鼎空令夔魅走丹丘越人不到蜀脩葉何以能縱
橫內府人家爛漫寫使可見之心亦驚江南御史龍頭客暫
別那能不相憶知君深識篆籀文故作寒泉溜崖石

子昂墨竹

吳興畫竹不欲工腕指所至生秋風古來篆籀法已絕止有
木葉彫蠶虫黃金錯刀交屈鐵大陰作雨山石裂蛟龍起陸
真宰愁雲暗蒼梧泣湘血吳興之竹乃非竹吳興昔年面如
玉波濤浩蕩江海空落月年年照秋屋

題柯博士畫

磯頭風急潮水長兼葭蒼蒼繫魚榜青山一髮是江南白頭
不歸神獨往幽草繞屋茅覆簷木葉脫落秋滿簾買魚沽酒
待明月定是黃州蘇子瞻子瞻文章世希有謫向江波動星
斗夜投斷岸發清嘯栖鷗驚飛怒蛟吼圖中風景偶相似欣
然揮灑春雲開子瞻應是念鄉里還化江東孤鶴來

題金馬圖

賈胡自騎千金馬解囊小憩荒城下平原無樹起秋風夢入
陰山雪橫野太平疆宇大無外外戶連城無閉夜不然安有
獨行人懷珪安眠如畫者

題花鳥圖

吳中女兒顏色好洗面看花花為情調朱弄粉不自施寫作

窓間雪衣鳥綠窓沉沉春晝遲半生心事花鳥知花殘鳥去

田內每後迷畫眉

寄鄉友

馬伯庸

河邊父老念我出遠寄京華書一行謂言白髮今多少又報
南園竹樹荒門前石田秔秫熟猶幸新生走如鹿莫戀官家
有俸錢長年作客身如束

送蘇公赴嶺北行省郎中

王繼學

居庸關頭亂山積李陵臺西白沙磧畫省郎官貂帽側飛雪
皚、馬驚濕馬蹄雪深遲、行冷月悽雲塞垣明鐵甲無光
烽不驚萬管角聲如水清明年四月新草生征人賣劍龍頭
耕思君遙、隔高城南風城樓來鴈鳴

萬竹亭

范德機

誰能買山種萬竹殘年請老住巴蜀結亭更在竹中間四
雲谿寫山麓風敲最覺夜眠清雨洗贖延秋望綠日吟不限
三千字日飲定須過百斛隴西仙翁持斧客散馬涼城行新
菊爲言今弟隱滄江如此風流天下獨乃家正在蠶桑野東
東琅玕繞茅屋方知白眼待時人箕踞科頭自爲俗是邦子
雲劇博雅閉門草玄食漢祿多綠未識此君心往事微瑕傷
白玉使君自是廊廟具方駕前脩詎爲辱平生抱負勁直節
日暮天寒照空谷始我瞻望望不及終我嘆嗟不足乞官
倘或從西游向子亭邊祝黃鶴

贈海康舉進士者

聖主徵儒用文學。翩五士起海角。元戎虎帳飛薦鷄。泮水
成材玉新琢。吉日舉餞鐘鼓作。皇華大夫繡朱襖。快馬駿蹄

輪脫鞵相送西風出郊郭。問君此行事何若。於菟要身非
縛候。鴈南飛不踰岳。洞庭山秋木葉落。詞場先鋒奪霜鏑。
里青山上黃鶴。明光宮中問禮樂。董生策有經濟畧。一朝聲
名動河朔。往取青紫如六博。前年禮闈開峻擢。明當武絲
綸閣歸來錦衣照。立壑人生無如進士樂。烏乎人生莫如進
士樂。勗尔高步翔寥廓。

轆轤怨

門前水揚聲似雨幽人當窓碧絃語東里征夫去不歸一雙
蛾眉鏡中舞年年井上攀轆轤勞心只恐秋葵枯他年種得
長生草梅花落盡青好

滋溪書堂

謝端

趙之川滄浸淶易恒涸泝洑各異出惟滋有溪亦是匹或伏

或見刀不容不能百里濤是從混之千里俱朝宗子襄涉河
觀湖江踔雲蕩日怒擊撞歸視子滋嶺之龍是滋名揚子所
始有田有廬水之埃有堂極庫非侈中經子史堂右左高曾
遺子以自課子廼善繼志不情鬼今撫古快恠奇泓涵演述
吐為辭副墨往往傳京師贏金青紫世所取滋溪有源子有
後斯堂斯書可世守

被顧問題張萱畫明皇擊梧按樂圖 姚樞

阿管五季名畫師尤工粉墨含春姿君王游蕩隨聲色不知
聲色傾人國開元無逸致太平天寶奢風生五兵偃月堂
幽筋遠潛謀不入芙蓉苑咸陽行色馬嵬塵管筆雖工恐天
真四海蒼生半魚肉歸來豈為香囊哭一日重開日月光黃
金却鑄郭汾陽

題五王圖歸圖 周景遠 名馳柳城人 監察御史

晉陽首事成功烈卒入官門流戰血至親骨肉忍相殘禍至
黃臺那可說讓帝知幾弊玷位履霜知是堅冰至華萼相輝
勢使然遂許明皇敦友第當時行樂殊未央賜予無節息非
當出則同遊入同宴五龍躩蹠騰康莊時光鼎鼎如流雷虛
偽既為誠實見三子無辜死渭橋太真有龍來金殿欲心一
縱禍滔天社稷生靈不暇憐從此陵夷於五代干戈喪亂過
年年

桃花岩 貫海涯 名雲石號酸齋 北庭人官至侍讀學士

美人一別三千年思美人兮在我前桃花紅雨入白兆信知
塵世逃神仙空山亭亭伴朝暮老樹悲風帶殘紅霧為誰化作
神仙區十文風煙掛淮浦暖翠流香春台沾手燃殘霞皆天

未幾回雲外落清簫美人天上騎丹鶴神遊八極栖此山流
水杳然心自閑解劍狂歌一壺外知有洞府無人問酒酣仰
天呼太白眼空四海無纖物明月滿山招斷魂春風何處求
顏色

美人篇

仙風雕雪玲瓏温吳姬剪月纖纖昏行雲補髻翠光滑鳳凰
叫落空山月手摘閑愁八字分春山恨重畫不伸肌濃汗膩
朱粉勻背人揮泪妝無痕霜刀自裂石榴裙閉門不識諸王
孫綠烟熏透藍田玉羅帶隨風換粧束飛鳥啼怨過長門芳
菲不忍韶華屋連環步窄玉珮響霓裳袖闊春風長劍鬆腕
瘦覺多情舉手搔天天亦癢錦香帳冷蘭燈沉落花不入美
蓉衾三山路杳銀河深彩鸞高訴愁人心天與美人傾國色

不如更與美人節夢裏梅花夢外身萬古千年對明月

銅雀臺

陳剛中

名字號勿齋天
台人衢州治中

古臺百尺生野蒿昔誰築此當塗高上有三千金步搖滿陵
松柏圍鳳綃西飛燕子東伯勞塵間泉下路迢迢龍帳銀箏
紫檀槽怨入漳河翻夜濤人生過眼草上露白骨何由見歌舞
獨不念漢家長陵一杯上玉匣珠襦鎖秋雨

望嶧山

鮮于伯機

東方巨鎮宗岱宗群山列侍臣妾同西南崛起一萬仞却立不
屈如爭雄何年天運下天宮墜地化作七月芙蓉外如刻削中
空同閔風玄圃遙相通我昔東遊訪青丘群仙招我遊中峯
悔不絕粒巢雲松失身誤落塵網中如今可望不可到艤舟
穴羨冥飛鴻神仙可學事亦晚安用屑眉有悲秋蓬吾聞嶧陽

有孤桐鳳凰鳴處朝陽紅安得斷為寶在今獻天子為民解愠
歌南風

題商德符學士桃源春曉圖

趙子昂

宿雲初散青山濕落紅續紛溪水急桃花源裏得春多洞口
輕烟搖綠蘿綠蘿搖烟掛絕壁飛流直下三千尺瑶草離離
滿澗阿長松落落凌空碧鷄鳴犬吠自成村居人至老不
識瀛洲仙客知仙路點漆丹青寄輕素何處有山如此圖移
家欲向山中住

送朱仲陽太平教授

列仙之儒山澤臞手中黃紙新除書教官雖冷實清選當塗
山川如畫圖我生無能百不如盍不從君賦歸歟請君為我
醉攻白矯首南望心煩紆

謝鮮于伯機惠琴

仙人已歸白雲中空餘手植青枝桐根柯盤鬱如蛟龍一朝
霹靂震雷石公烈火半熟隨狂風箕子之裔多髯翁才氣邁俗
人豈能一贈我為我容自吾得此不敢寤中夜起坐彈秋鴻下
弦清冷上黃鍾轉弦更張涕滿胸黃虞已遠將無同恨君不
識牙與鍾恨我不識鼓與朦周南大雅當誰從

題黃素黃庭後

三心玉文洞玄玄金紐朱錦乃汝傳子能得之可長乎與素
琪粟完且堅橫理如髮約兩邊縱有赤道如朱絃文居其間
走玄蠅飛雲捲舒相終始大道甚夷非力使無為自然有至
誰能精專換骨髓掃除俗塵不瑕穢目中有神乃識真白

三為軼嘖車輪裏以天上翠織成仙人樓居儼長生鸞鶴翔
舞遠猱輕子能保之慎勿驚宮室之中夜自明上清真入楊
與許焚香清齋接神話手作此書留下土千年流傳子為主
東方青龍西白虎庶不索兮貪勿與

題二喬圖

長江東去水滔滔誰謂河廣不容舸中有喬家女兒淚何意
師昏隨二豪龍虎相爭欲相啖鸞鳥鳳鍛羽將安逃不見當時
老諸葛獨聘醜婦何其高

題張國綱理問塞河詩卷

盧彥威名巨汲郡人翰林待制

道河積石堯解憂滔天之水成安流何年決齧半南土清淮
怒卷黃雲愁宣房既築漢歌喜越巫抱壁神光起害除梁楚
二渠成海溢西南九河死後來群策知誰賢何人捧土能防

如酒
川彭城樓堞照黃土河平壇石愁金天吾皇放勳越萬古澤
世餘功平水土睢陽塞决付賢虎解纜狂瀾作安堵于今此
君寧復有從容小試經綸手千年遺事在邦民春風吹水濃

閱故唐宮

李木子

名魯神色目人

錦佩走滅淮海波虬髯起操腸武戈盡民瘡痍六朝下天關
百二秦山河我來傍徨舊宮土細麥繁花忽誰主終南玉氣
三百年仙李春風一千古春風吹夢天茫茫玉樓金殿春雲
香開元舞馬散冥冥乾象含悲涼世態蒼皇幾煙霧秦
漢英靈不知處崑崙崑崙河脉自西來湘浦鴈行今北去
題段郁文靈石 胡叔仲名長孺號石塘求
白雲飛來著春空會霍變化生奇峰朝曦照耀舒復卷碧華

忽擁玻璃宮秋潮初吐明於雪千雷動地吳山裂濤頭出海
夕陽微百鍊青銅浮玉玦雲容濤勢偉且奇乍出乍沒須臾
時乾萬雪山白盈尺晴天萬里窺蛾眉似識詩翁作詩苦獨
擁清妍照環堵河翻月落夜未央如虹光氣飛屋梁

次韻虞彦高游陽明洞

楊仲弘

憶昔神禹奠九州茲山會計功始休諸侯玉帛渺何訢但見
萬水從東流衣冠未閉陽明洞夜聞鬼哭岩之幽珠宮貝闕
號龍瑞天造地設非人謀槎牙怪樹凍不死化作千文蒼玉
虬丹洞呀然仙掌裂翠峰巧矣蛾眉脩梅梁飛去鐵鎖斷往
往雷雨生靈嚇軒轅緱神極秘恠海上笙鶴時相投平生閉
門讀史記子乃探穴先吾游明當挾子騎汗漫題詩更在最
上頭不妨山水樂吾樂豈有飢溺憂民百如故家喬木尚可求

有子有孫百世留卧橫玉簫汎歸舟吹散萬斛江南愁

時中兄示余畫一軸畫一老翁推獨輪小車上載兩

巨甕意其為警世之為因為賦詩

小人無它獨嗜利兩甕載車將遠致肩頰足趺汗漉然冉冉
脩程胡不畏世人但笑愚翁愚甕破即與瓦礫俱不知人有
千金軀前行險道方乘車

祖生詩

揭曼碩

浦城孝子身姓祖自憐性命如糞土生才五歲遭亂離有母
更被官軍虜零丁二十八春秋母縱得生何處求天地茫茫
明月恨江山漠漠白雲愁忽得母書驚母在看書未盡淚先
流書云流落河南縣河南蹋遍無由見唐州境上忽相逢白
髮蕭蕭霜滿面誰知喜極情轉悲旁人更問初別時下生萬

死到今日始為母子東南歸東南迢迢關山路入門猶記階
前樹居人傳說盡相看鷄黍提携竟朝暮祖生母子真可憐
少壯離別老大還同時鄉井被兵者幾人骨肉能生全願生
母子長壽考四海昇平永相保

夏五月武昌舟中觸目

兩鬢背立鳴雙櫓短蓑開合滄江雨青山如龍入雲去白髮
何人並沙語船頭放歌船尾和蓬上雨鳴蓬下坐推蓬不省
是何鄉但見雙雙白鷗過

題明皇出游圖應制

明皇八駿爭馳道還是開元是天寶長安花發萬年枝不識
年華醉中老奎章閣下文非靜衮衣高拱唐虞聖莫言此畫
徒爾為千載君王作金鏡

夜宴友人席上有懷志能照磨暮春會同年所作

因寄

黃子肅

青山林下啼班鳩綠楊門前嘶紫騮落花成陣作春雨東風
淡淡雲悠悠美人捲簾日在手蝴蝶飛上珊瑚鈎南溪不見
筍成竹擬約滄波同倚樓

紀信嘆

周衡之

沛中龍奮在陽雲咸陽楚炬三月焚兩雄角起鹿在野三戶
有楚無強秦貔貅百萬紛如雪戈矛盡染英雄血曉敵
天河雲兵塵夜暗中原月滎陽數載戰不休重圍食盡漢亦
憂將軍詐帝出降楚脫帝虎口真良籌無何諸將已平楚事
定論功裂茅土獨無旌美到將軍不得德名紀盟府男兒死
節志已酬瞑目地下夫何求吁嗟功怨俱悠悠漢庭雍齒還

封侯

○子陵釣圖

東都熱官手可多。吳儂面似秋江色。平生落拓一羊裘。七葉
貂蟬不堪易。功臣盡在雲臺中。丹青化作灰塵空。先生遺像
乃在此。釣竿尚裊桐江風。悠悠世事江雲白。過眼輕帆自朝
夕。人間萬古仰孤風。天上有星猶是客。

送君進周公

胡尊生

憶君初來湖水滿。金鱗才普水助春波。煖江南。早晚雪花飛
蒲帆下水送君歸。霜風浙瀝湖光晚。白魚粳米中流飯。回頭
咫尺廬山雲。一寸心長帆力短。臨分乍密過重關。金螺移在
雙翠眉。啞啞靈鳥啼。樹枝家人夜夜下。蛛絲雪醅新釀都昌
酒。飲來不來待君久。人言遠歸勝新婚。稚子牽衣婦携手。窓

前紅燭宵彈碁。新歡滿眼空相思。江南今歲梅開遲。贈君
花折空枝明年花開來不來

金莖承露

蓬萊仙人騎黃鶴。來遺劉郎不死藥。銀漏無聲秋夜深。時見
星河頭上落。精金糾錯蛟龍蟠。未央闕角觚稜寒。莫教仰見
盃中物。直是他年雙淚痕。桂房枿壁蕙蘭老。留得新愁向雲
表。猶逐官車出漢關。茂陵蕭蕭濕青草。

燒筍賦

陸文奎

先生朝盤厭首宿。筍味得全差勝肉。蒼頭掃地犀角出。赤燄
燒空龍尾秀。土膏漸渴外欲枯。火灰微濕中已熟。撥灰可惜
衣殘錦。解籜猶怜膚濯玉。青青無分長兒孫。草草為人供口
腹。李家丞相蒸葫蘆。石家美人煮豆粥。去毛留項有何好。擣

非作蓬空自速不如野人工食淡自辦行厨入脩竹句裏曾
參玉版師胸中會着管營谷主人不問不須嘆昨夜西風響
林屋

姑蘇臺

李坦之

吳王宴罷蘇臺晚斜日清江映蘭檻臺上西施醉捧心江邊
東越愁嘗膽鴟夷果尸去不還麋鹿散迹遊其間秋深月明
照高樹驚鳥啼落丹楓寒功名獨羨陶朱子一葉扁舟弄雲
水

過嘉興

陸天錫

名都刺應門人開憲知事

三山雲海幾千里十幅蒲帆掛秋水吳中過客莫思家江上
畫船如屋裏蘆芽短短穿碧沙船頭鯉魚吹浪花吳姬湯棹
入湖去細雨小寒生綠紗我歌水調無人續江上月涼吹

竹春風一曲鷓鴣聲花落鶯啼滿城綠

題蘇武李陵泣別圖

歐陽伯恭

祈連山前箭如雨渤海海邊羝不乳同是肝腸十九年白髮
君歸朝故主臣心有血一斗許亦欲隨君歸擊鼓五千健兒
五千母臣若獨歸魂魄苦空將老淚寄君歸歸拜茂陵墳上
土

為趙敬升賦漢海獸蒲桃鏡

陳衆仲

尚方老冶收精銅金膏玉髓開腫臙未央曉月低青桐六宮
秋井生芙蓉當塗妖鬼負神器銅人登車數行淚空奩偶落
長安市來與人間照珠翠凝陰空祭江心龍海雨夜入闔王
宮一朝愁殺滌上翁破屋日夜穿晴虹西苑野露堪作酒中
有駒駘活欲走趙侯得之莫失手龍女蛟童候之久

蓋卿夾滌家故物也

題白玉蟾贈劉丹晨暑月詩後

玉蟾先生列仙儒夙昔夢見冰雪如丹晨不比劉師復
本解人間書紫清午榻松陰冷俯視塵寰真火并銀河夜靜
淡明月水風吹落玄雲影玄雲盤屈龍虎章百神守之不敢
將

題陳孝子傳後

張仲舉

名肅號蛭庵晉
翰林承旨

百丈山前度醉主禮賢鎮中子逢母三十年餘一日同白髮
相看淚如雨阿彌去時未斷乳兒壯得知心獨苦清湖老嫗
天所留逆旅主人神使語歸來桑竹溪之滸婦前持觴孫起
舞雙瓜生祥表秋圃豈待旌書動官府吳人買妾紛莫勳歲
滿母歸遺子女巷南巷北不相覓况復山川兩脩阻嗚呼千
秋復萬古孝子之名在寰宇世上滔滔忘母人不愧唐昌一

括九

息齋竹石古木為會稽韓李博士題

老竹葉稀多秃枝新竹碧潤含幽姿擇中龍子振春勢
雷雨頭參差傍蹲恠石石罅裂々處恍惚疑龍穴山中有樹
皆十圍活幹撐青死槎折霜皮食盡乾解文半頂斬立雙
分最後一株身出群垂枝倒走陰崖雲李侯標致不可得小
字親題別塗黑縱橫不在摩詰下蕭爽直與洋州敵玉堂學
士欣見之濃墨大書真嶮奇森然一片鐵石筆妙甚七字瓊
瑰詞此詩此畫今兩絕把玩微風動毛髮只應真宰泣瑀
一夜山窓吟秋月

大星

李季和

大星在天小星落城頭嗚嗚吹畫角津吏擊鼓河上船行人

道首居人憐男兒墮地孤矢願南北東西君莫怨

茅山謠

道人兩髻青如蓮。六醉上山捫青天。青天蕩々玉盤出。引手
舉盤天上懸。銀河傾倒桂樹影。長風吹香落丹井。地上小兒
沾玉馥。白兔急搗玄霜熟。惜々仙家十二樓。夜半起拂殿烏
浴。手招茅君叫列仙。帶劍上立紅雲前。茅君騎虎上天去。道
人乞我明霞篇。

十臺懷古

吳師道

姑蘇

百花洲上姑蘇臺。吳王宴時花正開。半空畫燭西子醉。三更
鐵甲東門來。吳波渺々吳山簇。不見嬌頰倚闌曲。丹楓落月
怨啼鳥。碧草東風走驚鹿。闔閭丘墓相連處。應恨夫差迷不

悟。斷指千年血未乾。遊魂夜哭臺前路。

章華

靈王傾國崇臺宇。按劍章華睨中土。弁裳伏地走諸侯。鐘鼓
凌空震二楚。騁驕不畏伍子謀。落成乞與吳兵遊。孤舟竟走
江上路。塊土獨占山中愁。十年伯氣終蕭索。回華昔容歸不
得。飢魂漂泊啼秋煙。細腰却舞新王前。

朝陽

神娥縹緲高唐上。楚宮樓閣森相向。丹楓蒼桂涌孤闕。白石
清江簇連嶂。行雲冥々飛雨寒。孤猿咽々秋花間。翠鈿龍駕
杳何處。斷魂殘夢愁空山。微臣宋玉誇能賦。當日襄王豈真
遇。千古秋風恨未平。高泉飛落三巴怒。

黃金

昭王銳志移青社。築土懸金奉賢者。四方劍佩集強燕。千里
風塵馳駿馬。郭君自舉先群豪。樂生獨步超凡曹。醉思一雪
伯國耻。建功並倚雲天高。君臣意氣千年少。落日荒涼沒秋
草。黃金買貴滿長安。惆悵英雄布衣老。

戲馬

項王數馬從東來。意氣蹴踏全秦摧。入關不並沛公轡。還鄉
却上彭城臺。重瞳按劍風雲靡。萬足騰空煙霧起。淒涼垓下
泣。名騅零落江邊餘。數騎寄奴千載心。爭雄登高把酒臨秋
風。詐移晉鼎非男子。君看百戰東城死。

歌風

沛宮置酒君王歸。酒酣思深風雲飛。兒女望環臺。和擊筑。父老
滿座同沾衣。一歌豐沛白日動。再歌淮水長波涌。龍鬚氣梯

半空寒。虎士心馳四方勇。河山蕭瑟長陵荒。野中怒響見猶飛。
揚高臺未傾。風未息。故鄉之情那有極。

望思

桐人氣迫前星黯。思子宮成翠華晚。高臺有恨碧草新。大野
無蹤金犢遠。一朝弄兵兒罪輕。百金鍾愛天倫深。戾國魂魄
夜寐寤。湖城風雨秋陰陰。漢宮樓觀連天起。方士秉香召仙
鬼。望思望思終不歸。茂陵老淚如傾水。

銅雀

半空高棟翔金雀。玉宸總帷塵漠漠。西陵老樹暝色寒。長安
殘妓春情薄。曲終紅袖辭尊前。蒼蒼傾斷臂。飛入人間分香老。淚
恨不滅。秋風吹入苔花斑。漢家一片當時土。肯為奸雄載歌
舞。銷盡曹瞞萬古魂。落日漳河咽寒雨。

鳳凰

金陵王氣飛祥雲。鳳凰臺上聲和鳴。鳳來春日花宮宴。鳳去秋風荒草生。嬌娥舞散高臺暮。青山迥隔丹丘路。斜陽門巷語烏衣。細雨汀洲飛白鷺。江空天濶鳳影遙。謫仙吟斷誰能。六朝宮闕煙蕭蕭。月明夜半人吹簫。

凌歊

宋家天子遊南國。紅粉三千墓百尺。歌鍾激浪楚日白。簾櫳綠樹湘雲碧。凌歊高宴金輿來。侍臣狎笑朱顏開。臺城宮乘鎖花柳。寄奴玉障生塵埃。昏昏醉夢春風凡。不顧江東數千。酒罷歌闌帝業銷。青山空映當塗水。

岳王墓

韓中村

妖星墮地芒角赤。龍劍悲吼風蕭瑟。中原王氣挽不回。將軍

一死鴻毛擲秦家。小兒真戲劇播弄造化。搖擺極指。忠為逆。隻手上。渡天眼力九。闡茫茫。隔天日。無由下。燭臣愚。直臣愚。萬死不足惜。國耻未澆。猶憤激。古墳埋冤血。空碧風。兩年主。花蝕我。恐精忠埋不得。白日英魂土中泣。請將表骨。斲出荒苔痕。獻作吾皇補天石。

征婦歎

虎頭將軍眼如雷。領兵夜渡黃河面。良人腰懸大羽箭。遼東掠地遼西戰。二紙紅箋寄春怨。十年消息無歸便。日長花柳暗。庭院斜倚粧樓倦。針線心憶良人。嗔不見。手擲金彈打雙燕。無術平戎報明主。恨身不是奇男子。倘妾當年未嫁夫。請學明妃獻西虜。

題赤壁圖

王在中

名贊奉元人。河東僉憲。

我昔南游過赤壁。曾上磯頭訪遺跡。吳魏勝負了無聞。一曲漁歌楚天碧。黃岡迂客城眉翁。道同北海人中龍。羈懷得酒逸興發。扁舟夜泛空明中。江山如許誰賓主。醉挾飛仙夢中語。直將天地等浮漚。二國周郎曾比數。神游八極空畫圖。開卷彷彿瞻眉須。清風千古凜如在。悠悠目斷江雲孤。

讀文山集

林德陽

黑風夜撼天柱折。萬里飛塵九溟竭。誰欲扶之兩腕絕。英淚漫浪滿襟血。龍庭戈鋌爛如雪。孤臣生死早已決。綱常萬古懸日月。百年身世輕一髮。苦寒尚握蘇武節。雲蓋猶存臬卿舌。膝不可下頭可截。白日不照吾忠切。哀鴻上訴天欲裂。一編千載虹光發。書生倚劍歌激烈。萬壑松聲助幽咽。世間淚血兒女別。大丈夫心一寸鐵。

題顏輝山水

貢泰甫

名師泰甫。所居宣
城人。浙江參政。

蒼龍渡海成疊嶂。岩前西來勢何壯。盪摩日月噓雲煙。回薄風霆起波浪。懸流晝夜相舂。惝恍惚銀河落天上。橋橫霞嶺類天台。谷隱龍湫疑鴈蕩。若非華蓋及武夷。無乃仙都與秦望。參差飛觀倚半空。錯落長松高百丈。煙懸絕磴畏崎嶇。路出平川喜夷曠。野老朝耕屋角雲。漁父晚釣籬根漲。偶隨鶴舞抱瑤琴。猶恐猿啼驚蕙帳。畫師盤薄精天機。元氣淋漓歸息匠。毫芒點染遠近間。只尺卷舒千萬狀。三年老我東海隅。立馬看山每惆悵。麻姑敬亭曾見招。何日相從脫塵鞅。

送周草窓尊師歸廬山太平宮

成廷珪

匡廬之山仙所居。銀河倒蘸青芙蓉。三千里路昔一往。十八社友今何如。向來庄君結廬處。至今海月懸高樹。水流花落

春復春。洞府蒼茫隔烟霧。西風蕭蕭吹短衣。賣藥脩琴不歸去。潯陽潮落海欲枯。幾時再得麻姑書。桂風不跨林下虎。回仙肯歸盤中魚。幸留神物守丹鼎。喜近弟子迎鸞車。世間信有揚州鶴。看汝乘之上寒廓。晴窓須理白雪弦。爽氣仍開紫霞閣。袖中寶劍且藏鋒。彭蠡小龍方睡着。

和張孟載春愁詩韻錄寄楊鐵崖

小窓病酒厭厭卧。春色三分二分過。仙人漫織藕絲長。金銅難補菱花破。花間黃蝶也雙飛。葉底青梅才一箇。綵筆題詩人未歸。愁腸一似車輪大。

湘江秋遠圖

蒼梧愁雲拂烟水。日暮無風波自起。何人吹簫作鳳凰。被髮臨江迎帝子。黃陵女兒情更多。却掩冰絲淚如洗。千年遺恨人不知。坐對空山疑夢裏。

獼皮褥

陳古春

賴侯失國毛嬙老。蓮葉裳衣爲誰好。曲阿湖上來菱舟。濺血淪精哭秋媪。祭魚求謝孤蒲春。去作香魂薦寢祖。綠雲四面裁如意。毳影當中吹暖塵。玉指象牀聊歲晚。絕勝會死龜茲板。聞道驚鱗膽尚寒。莫教展放芙蓉館。流酥帳裏佳人語。卷却龍須偏愛汝。夢中若更說離騷。腸斷縈蕪楚天雨。

古釵歎

吳維甲

名嵩廬陵人

何年美人寶釵失。深井沉泥污玳瑁。一朝拾得再揩磨。二回五回看歎息。雙鸞匹鳳兩股勾。終然污色難爲新。當時光瑩照頭上。有似桃李搖青春。今人不識古儀狀。寶釵雖好非時樣。爲君插罷擁髻悲。物無貴賤皆隨時。

送文仲德之臨洮帥府經歷 程以文 名文

吾聞洮州綠石堪為硯能淬筆鋒如淬劍地靈大寶愁地工
埋沒塵沙羞自獻羞童目悍手足鮮掛弓走馬唯臨邊地藩
令嚴烽燧息鼓角書靜旌旗懸幕宮姓文不好武要使西荒
化東魯詩書埋按夜生輝親寫封章上天府豪猪之鞞言兇
裘時平不願萬戶侯但得洮州綠石硯歸來洪筆立鵝頭

題陳希夷像 萬德躬

花項君王瓦棺冷柴家陵上西風緊殿前點檢不知名醉眼
摩挲睨周鼎白晝龍虎行天階紫微小星何僭哉先生大笑
出門去明日華山歸去來山色還如舊時好流水小橋散芳
草千載誰知驢背心芒矟雲深入孤鳥汴城峨峨汴水流江
南江北數百州秦王未已晉王起人間萬歲更千秋

題楊妃春睡圖

楊廉夫

沉香亭前燕來後三郎鼓中放花柳西宮困人春最先華清
溶溶煖如酒雪肢欲透紅蔷薇錦襦卸盡流酥幃小蓮侍擁
扶不起翠被卷作梨雲飛蟠龍髻重未勝縮燕釵半落犀梳
偃晚漏壺中水聲遠簾外日斜花影轉琵琶未受宣喚促睡
重黎腰春正熟不知小裯思塞酥夢中化作銜花鹿

明皇春宮按樂圖

龍子高

字從雲号鈞
魚軒廬陵

華清宮殿春沉沉宮門楊柳垂黃金玉環新度霓裳曲曲聲
酣動君王心融融汗體生春困芙蓉露白桃花嫩可憐飛燕
在朝陽李白文章有遺恨樹頭花煖鶯啼早滿院嬪妃捻合
咲門外千官進午朝三郎沉醉不知曉漁陽回首飄胡塵花
鈿委地徒沾巾嗚呼我今展圖似閱史有國有家當監此

明皇秋宮夜宴圖

金莖滴露秋滿衣玉樓商葉吟參差六宮沉沉度清樂月在
華清池上芙蓉枝虹橋錦步上龍尾十八宮娥舞相對玉環
吹笛背銀燈百歡媚得君王醉君王醉卧倚龍屏羯鼓噉
尚未停祿山含笑林甫喜但願君王醉不醒

葛推官五反

程文海

大梁秋官仁且明刑者復續死者生昔無一兒慰目前璫枝
玉樹今森然力田種苗苗或荒君家種德子滿堂子孫世世
不可忘

劉單州弃官赴兄台州之喪

一手有急一手赴左不良行右湏駐人心取舍有重輕所以
劉侯如脫兔好官尚有兄則無死今不死孤不孤允思故人

今始見我欲書之寄董狐

緝熙殿御題紫薇花扇面壽卿中丞十一月二十五日

江南十里花茫茫紫微盡對中書堂人工會得無窮意一枝
宛轉留芬芳緝熙殿裏日月長對畫落筆蛟龍翔花前未覺
風流遠扇底猶含雨露香烏府先生黃閣老高敞新齋坐霜
昊聊題此畫托千年從今永伴中書考

阿房宮

智力有窮天不老秦帝山河迹如掃參差忽落畫圖間白髮
朝臣驚欲倒咸陽初起阿房宮六籍已焚兵已鏹渭水函關
萬年固終南泰華五雲中復閣重樓鬱相望翠戶金鋪九天
上。上容萬人常有餘下建大旗知幾文霞霧霧翬天日迷山
童野指民睽睽窮奢極麗猶未愜謂海可梁天可樣蓬萊何

處樓船遠上蔡東門歎黃犬六國樓臺春草長千門歌舞斜
陽轉游觀未畢化埃塵宮樹淒涼野鹿馴至今世上丹青手
留與千年作諫臣

贈弓秋蟾

滕玉霄

瓊花十里小樓紅醉吞牛斗眠長虹十年四海分萍蓬一笑
邂逅滕王洪床頭回首黃金空但覺耿耿盤心曾問蟾何不
歸蟾宮自有老月留身中誰受一粒金丹紅學得紙上書墨
龍白晝呼吸風雲從頃刻霧暗天濛濛妙處巧奪造化工不
復知有陳所翁君不見金陵壁上不點瞳點瞳霹靂驚江東
我欲煩君具毫楮畫一小龍回顧母並令天下生孝心不向
江湖長驗雨

望夫磯

劉時中

望夫山頭日欲頽望夫山下江聲震山頭日日風雨惡江上
不見行人回空山亭亭幾朝暮猶記行人去時路知君渡河
長不歸恨不常年逐君去此身化石千仞磯石猶可懸心不
移長江水涸黃埃飛行人應有歸來時

過采石

聶古栢

采石江頭秋月白蛾眉亭下灘聲咽綉衣三斧曉霜寒同是
天涯苦行客酒仙一去海生塵青山五尺埋衣巾清江白鳥
自今古岸草汀花秋復春我欲御風遊八表醉裏高情覓三
島閭闔雲深不可攀回首江南數峰小

送孟和卿平陽尋母

龍興林定清

社黑念母心最苦豈意一朝逢澤潞母驚兒貌似乃翁兒抱
母啼淚如雨五十孺慕朱壽昌刺血寫經毛髮蒼閨閩同州

晚相見迎侍親闈歸故鄉人生百年一彈指母恩未報情曷
已團樂尊前舞綵衣大勝世間朱與紫子行萬里涉風沙誓
不見母不還家兒今髮蒼母應老道傍觀者還咨嗟臨川孟
氏號雍睦家世來此擅淵族婆娑老暮紫荆花料想春風依
舊綠

都城曉起和張漢杰

薛宗海

扶桑日射蓬萊頂下視瑤都森萬井金門未啓曙光寒月落
觚稜微有影枕上仕遊夢未回嗟嗶隣鷄爲呼醒知君曉約
穀城翁再擬銘功漢鍾鼎杏村天近易爲春莫厭西齋官獨
冷

東山有鳩臬偽鈔害良家故賦

傅謙則

金衣菊裳海頭鷓胡不啄此鳩臬目劍翎鈎爪構上鷹胡不
食此鳩臬肉東飛西飛正頡頏開口呀呀無飽足天何生此
不祥鳥白日妖呼鬼夜哭羽毛似可羨外飾腸膽豈知懷內
酷月明風淡霜氣寒三統高枝鵲驚宿綢繆牖尸固根本一
叫一鳴千百毒將軍只逐天邊鹿胡不挾彈滄江曲

題延月樓

許益之

噓嗟稅駕紅塵息玉鏡飛空天地白嬋娟先得何處多齊雲
畫著翳高百尺清光無私照寰海舉頭千里明長在主人欲擅
四時秋夜、掀簾爲延待人生見月幾圓缺今昔人殊同此
月人迷夢覺月晦明終古相磨寧暫歇倚闌清嘯酒莫遲銅
壺催曉輪易歇

酬潘明之

華亭谷深紫烟濕老鶴唳空眼垂碧功名千歲衣染墨遼陽

骨換今幾日華表時來語消息九臯胎化頂未丹海門雲冷
高飛難嘎然長鳴飲清滯何嘗天何吹羽翰方壺圓嶠同盤
桓

○游龍回寺碧雲堂有何無適草書

蒼鱗作霖回壑裏竟化長岡飛不起何年老僧飛錫來強架
擔楹萬山底碧雲石梯如登天俯視竹樹行其顛巖巒起伏
呈怪狀壯若群馬奔吾前網仙去不復返滿壁龍蛇驚醉
眼可憐一半委塗泥沈復沾危混苔蘚山翁摸榻妙入神永
和繭紙且逼真勸君勿辭一日力為我留為百世珍君不見
二王舊帖比且殘編至今不惜千金傳

馮公嶺

層巒疊嶂危相倚亂若飄風湧秋水寒松荒草間蒼黃照眼
嶒嶸三十里初如井底觀空虛一峯巍然中獨尊紫閣百折
至絕頂俯視衆嶺來兒孫人言此山插霄漢馬不容鞭僕夫
嘆攀援何異蜀道難氣竭神疲背流汗孰視徐行路覺平心
寬意適步更輕志須預之自迷到世事豈得終無成我來正
值窮冬月倚秋巖前嚼松雪斗店煙生野飯香陽坡日近梅
花發寄語悠悠行路人乾坤取險君勿真胸中芥蒂未盡去
須信坦道多荆棘

題姑蘇臺

姑蘇城上姑蘇臺青山百里城眉開平郊如掌思清遠昔人
樂極曾生哀大壘未復敵不滅壯志消磨侈心起會稽捷甲
功自多種蠶深謀誠未已不知佳冶能傾國暮朝醉春
色動臣抉眼視東門越女還羞越人得只今興廢總成空唯

餘碧草搖淒風可憐千古臺前水不洗當年角東恥

贈滕玄一

玄珠恍惚生秋水善守谷神寧不死虛中抱一求諸已道不遠
人應在邈負笈擔簦空萬里先生年來鬢已斑對客時復談
九還刀圭謂可向朱顏行騰纏之環塵闕神仙豈必居三山

湖水來

郝伯常

枯風怒過長川回兩湖五月生黃埃水晶空碎洲渚出昆明
老火飛狂灰魚龍錯落半生死訖坤枯稿無雲雷海鯨怒抉
海眼破濤頭一箭湖水來新聲泊入黑壤寒虹矯收蒼
隴白鷗靜盡波不起澄清無瑕玉鑑開浮光四動青雲第倒
影半浸黃金臺何當乘興呼太白棹歌長入琉璃堆滿船明
月露華冷翠絛銀管飛瓊盃

宿鐵塔寺

西風蕭蕭暮烟濕滿袖青鞋乃亂山入枯雲黯慘忽蔽空未夕
黃昏陡昏黑行冥投荒寺宿繫馬堦除劍懸壁中庭一塔
揭暝色倔強生淨半生澁虺龍留車轉不能虺怒尾呀天轉張
礫須更飛雨過前山密洒囚扉寒浙瀝黃塵萬事隨雨來壯
懷零落憂思集學成書劍兩無用竟作窮途奔走客短衣著
處逐秋蓬誰信胸中有長策孤燈照夜耿不眠紫焰懂動
輕碧寤言欲問復無言抱膝長吟轉蕭索

題天冠山

元復初

仙翁昔住天冠山夜呵鬼神衛爐丹成飛去杳不還藥池
丹井猶山間翩與子鳴佩環華掇巨麗青雲端思玄尋躅
泉安訪鶴歸月落前溪灣

題劉村之家子昂書映雪軒扁 卜友寄

天兵粉月成瓊屑洒向人間沃春熟東風刮地清苔蘭門外
好山青不得白雲着雨飛難起曉來化作湘江水涵水娟
照美人對此心開幾千里臨池落筆幽思多白鬚道士來相
過日斜寫得黃庭去錦籠却送山陰鵝山陰春盡美人老茂
陵劉郎拾瑤草瑤草年年吹古香至今殘雪明松表

明皇合樂圖

杜仲高

天風吹來羽衣曲譜君王新意續後宮粉黛雲飛揚利園
四部羅仙娼虬髯天子坐胡床飛燕斂衽隨君王鼓瑟彈箏
間吹箏琵琶意慘塵沙黃龍吟雜品單于調象版促鼓擗漁
陽二郎回笑眎玉環只有天上無人間弄臣番綽敢稱贊請
祝君王萬歲歡堪笑虞廷大岑寤只有一雙能拊石

送仇仁父分教溧陽兼寄張仲實 袁德平

往讀大曆才子詩常恨諸人不公卿當時將相漫豪舉誰如
千年麗句留佳名破帽飢吟孟貞曜一尉辛勤晚初調至今
山水餘妖妍尚有當年賦詩料廣文清絕非敬曹况君意氣
凌雲高鬢宮寬閑衿佩集底用如彼彫鏤勞丹陽湖西足烟
樹想像昭關遁逃路六朝舊迹徧蒿萊盡是諸賢醉遊處人
生自古并合難詩人今日盟未寒聯珠粲比百里聚會見卜
史昂頭看西秦公子眸烟陽羨三年官舍冷憑君為我致
相思行矣追尋嘯烟艇

送祝丹陽祠武當

陳茂卿

武當之山上參天上有天帝居其顛陰陽蔽虧蔽日月草樹
蒼蔚合靈燭六丁開山鑿空翠萬神扶棟飛脩椽金門耽

守龍虎玉佩繩。羅神仙人間塵俗不易到。我常夢寐思攀緣。嗟軍此行非偶然。冷風吹至虛皇前。手持御香謁帝阿。口漱瓊液哦靈篇。蒼龜巨蛇出神怪。朱鳳白鶴相後先。帝命青童授珥訣。谷神不死真玄玄。却被羽服謝仙友。笑視浮世三千年。

送吳子敬赴釣臺書院山長

劉聲之

我航浙江三四五。每過雙臺淚如雨。三公不作歸釣磯。時人血面爭絲縷。危石栖霞禽野語。蒼林古瓦瞻祠宇。同舟名利急須免。我往拜之別不與。籜兮籜兮風吹汝。天星易搖足勿舉。千載羊裘有故時。人言黃犬皮當補。諸公奕々誰賓主。名教有功聯學俎。世果相逢建武初。短蓑獨遠漁樵侶。喜君沉敏資好古。初分誥席良得所。獲聲絕少沉馬斯。早筍晚菘聊復茹。汶水聽腰水色山光更媚妩。當年餌下有殘鱗。瑤珠化作飄龍吐。百里時歸綵衣舞。猶載行書慰鳴鶴。一勤贈子莫多言。買菜有譏君記取。

獨駁圖

毛靜可

連天首霜青茫茫。鹽車鼓車紛道傍。肉駿汗血不可常。權奇個倘晦若藏。五之六之無畱良。如此獨步何堂堂。日三品豆慎所嘗。天閑逸氣誰能量。一尺之筆五尺韉。了與纏絡俱相忘。大僕御直儼冠裳。庭前榻上婉清揚。有詔有詔且勿忙。一洗凡馬鑿鏘々。我觀此圖筆意長。欲言尚寄田子方。

贈督師曹將軍

泰階煌々色已齊。祥飈為掃蚩尤旗。幅負浩蕩春臺熙。不遣桴鼓驚鉏犁。羽林宿衛環三陲。居安却慮忘戰危。整暇自許

忘其機。司馬八法律以規。蒐苗獮狩。凜弗違。碧油有幢。嚴軍
師。手持虎節。談魚鱉。閩閩不以山與溪。歌舞七德。宣皇威。有
來視師。省檄飛。將軍名已草木知。干戈俎豆。睢陽時。已分勾
當江南歸。汭芳奕葉。今孫枝。此行且賦從軍詩。時清未用歌
采薇。天子有道。守四夷。

讀三孔先生清江集

黃晉卿

元祐儒臣布星斗。後有作者非其偶。二龍三鳳殊續紉。况乃
淵源魯中叟。適從塵編識英爽。想見世澤餘忠厚。長公平生
二三策。大廷披腹驚群右。風流班仲與季。茅茨彩椽絕丹
黜。獨尋古昔寓陽秋。稍挾痲瘖到瓊玖。却盤餘力歸賦詠。古
硬清圓無不有。爰初人文啓河洛。下逮百氏分五牖。空言可
托匪末勤。巨筆待援須好手。典刑未墜乃至今。吾生已幸何

云後。青燈照夜雨如綫。輿論微辭煩擊剖。追摹止復慙捧心。
贊美胡能付鉗口。從遊起死不敢期。倘挹殘膏注空朽。

題錢舜舉畫漁翁牽魚圖

顧淵伯

蒼溪道人溪上居。一生只慣觀打魚。吾兒打魚當耕織。意匠
別出絲綸餘。緯葭縛竹直水口。承以密罟防其逋。卒然一掣
勢莫御。紫鱗躍出金夫渠。蓬窗草戶色々具。茶瓶酒碗尋常
俱。船頭青山立突兀。船後綠樹搖扶踈。人間名利不可汚。烟
水為席天為廬。西塞山前晚風急。醉踏船舷浪花入。漁翁心
事道人知。日暮來看倚筇立。迴頭却捉秋兔毫。寫入生絹半
猶濕。令人展卷心茫然。辛苦微官悔何及。吳松江上鱸魚肥。
秋風落葉滿漁磯。何不買舟迓東歸。何不買舟迓東歸。

建平道中遇雪

北風如弦雪如箭來射長途旅人面黑雲匝道天為愁四望
群峰白於練蕭條聚落木百家日莫莫青烟起山縣荒林叢
葦少人行斷鴈殘鴉有時見憶昨年少輕遠游曾跨驂騑走
畿甸只今潦倒困微官馬上低徊發哀怨丈夫事業未易論
但恠沅光速飛電便須大飲敵清寒未用悲吟嘆羈賤

題文學館壁

尚志

主家池館臨官道門對琅玕如海島弟子讀書編綠蒲詞人
琢句思芳草憶昨送客悲年華隔簾微雨東風斜春光滿眼
忽自醉墻西一樹櫻桃花

題淳化閣帖後

傅景文

君不見秦王一旅定兩京武功文德致太平晚年却愛蘭亭
字收拾繭紙歸昭陵前朝淳化號極治典章文物煥日星

書購求到筆帖秘府書靜聞登銅駝翁仲兩荆棘況此爛
石何足憑當時已愧千載後影外之影聊相仍即今見此遂
希世古意雖遠猶典刑文章於道固小伎而况字畫姓名
癡兒傳觀競彷彿至有嘔血求其精殘編斷簡無足論此事
自關時廢興願君持此待善價他年不馱家雞腥

秋清羈思

趙春洲

留聲孤起江城暮隔江山好青無數征帆一去知何處蕭蕭
老却江頭樹猶如此生慘悽秋風不管生別離

昔年

李仲公

昔年有語雙白頭棄我忽作齊梁遊雲鴻不來音信斷瑤鏡
塵昏秋鬢亂君心一去如飄風妾心死與黃河東清霜昨夜
剪庭樹欲寄寒衣不知處

流民詩

邳徐二州皆凶災流民如雲過江來布衣慘々泥水破黑妻
騎驢兒在懷為余言之心膽摧剥掘榆皮蘆白芨至今一貫
一升米不去坐死何為哉

題環翠樓

韋德中

名中号
易函

四山排闥翠如織螺髻春嬌簪不得光涵老瓦疑不流影落
晴簷寒欲滴道人夜半吹青藜路近雲霄星可摘塵消萬宇
無纖紅月浸四凶動疑碧眼中已覺培塿多笑拍闥干戈絕

在原出谷圖

剡藤骨松氷霜凝澗松膏滴雲烟輕原深草枯秋
樹老春嘔之天滄至悲愈於物乃知蠢動俱全靈
官學

谷虛

猶故吾江湖夜雨書灯孤梅殘路遶驛使遠天高風急征鴻
踈摩掌此畫重三歎人不如鳥將何如

贈梅隱相士

番陽隱君心似鐵與托梅花共清絕香浮客袖寒飛霜影寫
吟窻清浸月素衣不染京洛塵蹇驢長踏灞橋雪歲寒心事
誰能知強把窮通為人說空谷聲傳蒼玉碎姑射神人落瓊
佩劇談共喜吾味同他日相期調鼎鼎吾聞論相須從心術
問看花政在香影外憑君認取本來面香影俱無忽神會

送自怡萬戶膺太尉府叅軍

陳元弼

名良臣
號滄洲

揚花吹蕪撲暝雲嫩鶯啼徹江南春鄞江水軟彩舟滑東風
趨上黃河津薇垣有客雲霄立飛下鸞章紫泥濕幕府風流
水泛蓮相門簪紱香疑戟西山柱笏賢叅軍魚鴈時々寄好

高金門紫氣擁不住催上玉堂煙霧深

賞海棠 江叔載名屋

天孫裂錦舒雲霞五采散人滄海涯珊瑚擊碎瑤草死春風
吹作枝上花曉寒香霧潤紅玉午困晴日蒸丹砂盈之半開
正堪賞明日爛熳驚繁葩

送魯道傳歸淮西省親 徐伯通 號雪崖

一行鴈：天邊飛兩箇鴉之烟裏啼北風吹雪不成雪故人
別我歸淮西青袍未美進士志綵衣且作嬰兒嬉鮫龍若使
困泥水世上車馬無輪蹄

答何尚文

矮蓬雨過春酣足啼鳥一聲煙樹綠美人贈我三疊詞尋異
琳琅振空谷扣舷得意時和之吳鉤碎擊寒玻璃溫雲昏少務
劃開豁湖光山色清無涯蘭橈小駐桃花浦安得瓊絲調玉
柱短歌聊效踏莎行說與東風寄將去

美人倦繡圖 劉愈珩名珩

蘭風翠窗春晝溫美人惜春情緒昏繡牀半倚思斷魂玉纖
不動歌長門捲簾双燕遶梁語彩絲撩亂愁如縷巫山楚山
雲獨多回文織錦將奈何

送鄱陽高式齋之初庵書院山長 歐陽原功

至元天子垂衣裳四方英俊皆來翔集賢家學贊明治歸築
林居鄱水陽高君奕世重儒術奉檄升堂衿佩集芹泮風清
皇極尊年少功名從此立

和趙任齋葉栖碧喜雨韻 方永 號可竹

雷公擲斧擊衆醜天文舞鏡觀群容霍如補天色石墮銀河

下落香爐峰。洪都夜泣流血。蜃天日晝去。垂鬚龍神功變化。不可測。吾欲舉酒慶老農。

小姑山

徐則聞

名履方

小姑頽然整且秀。不事粉鈿躬甲冑。彭郎兀傲來自西。突起兩強誰問落。大江滔々如砥平。兩面束之成建瓴。比如壯士不受黜。白日奮作千雷霆。我時經行值端午。小市聚祠日親覩。廣張禍福口翻瀾。妄挾神奸嚇商賈。割羊刺豕酒如山。紙錢勃空旋風飄。當時小姑今黠姥。得酒索錢無報願。

贈祝玉泉相士

空山流泉漱鳴玉。雅韻泠々轉深谷。美又持此弄音瑟。胸次蕭然無點俗。泉流出谷清復清。鑑之洞見神與形。蟹蝦瑣細未省錄。伺取神物游清泠。清泠之淵有美璞。為瓊為玉在追

琢豈云美璞不自獻。獨漉漉昏玉何見。

○

題萊州監郡亭

李貞

奚射虎圖

萊州使君甚英武。曾為萊氓親射虎。逸才之獸力可取。手調長弓心自許。徐々縱馬入荒榛。闌斑咆哮來迫人。投身虎口在分亦。旁莫助之俱損神。撥馬橫奔如電掣。霹靂應弦山亦裂。通身是膽不病怖。卻睨如繩注醒血。老生展卷猶駭然。使君笑請題詩篇。我為使君當自愛。力行善政民無害。君不見魯山之令元紫芝。虎暴自除官不知。

○ 送醫學正陳復初歸安仁

漂母饋食哀王孫。報與不報非所存。一餐不得未必死。藥餌不時生死分。我始識君方抱疾。察我病原投藥石。空囊羞且澁。政懷慙。藥裏千金君不惜。愛君質朴無嬌情。用心妙處如宋

清濡毫作傳猶未暇短韻寄情因送行

金陵作

劉明子

名煒號愚山

秦淮月照秦淮水繚繞宮城綠楊裏巷入烏衣落日秋庭空
玉樹西風起當今雨露澤九垓坐見車書同萬里鳳皇臺上
鳳皇來我欲持之獻天子

題畫馬圖

余正卿

名昌

天閑八駿那復識渥洼騏驎今無迹此圖誰畫不知名風駿
霧鬣垂楊陌奚官莫是五陵人並立沙頭煙草碧時平不出
玉門關華山千里春風閑

題沙縣丞山水圖

趙德元

名元善號拙齋

煙雲飛出霜毫端滄茫過眼迷山川川平山開林江闊斷岸
百尺波連天風高鴈背帶落日輕帆點破滄浪烟楓林疎處

見疊嶂寒岩瀉水清潺湲孤村落葉滿石徑柴扉日暮無人
閑騎驢人過斷橋去江南風景歸吟鞭我生長憶武陵路夢
隨流水尋桃源豈知開畫見此豈不恍惚便欲從此仙誰能寫
我入畫裏穩泛一葉秋江船

送劉明子歸省

周子震

名敷

尚志堂中綵衣舞樓外兩峰青映戶白雲萬里走京師來為
觀光歸為母母年七十雪垂肩客心一日如十年東華塵土
且未沈拂公使問江東船金雞潭上老樵者三年供奉出無
馬人生錦山終虛名白頭堂上真堪詫

賦徐伯初環碧亭

馬子尚

名志仁號尚志齋

掃亭往昔開二儀手扶積氣營一區運成三百六十五上下
一色青琉璃茫茫神禹憂浸稽疏滌扶萊納咸池東漸西被

朔南暨一億三萬蒼波圍由來環碧有如許經天繞地孰與
齊更知環中應無窮直作天地萬物師高人勘破造化機築
室小憇溪之涓清晨俯流欲何為超然默契思指歸遠觀近
取應如斯至理不與尋文殊方員周折何足奇飛珠漱玉供
敖嬉世無子期知音稀琴聲殆類吹笙竽焉知逝者如斯夫

再賦聽香亭

葉景南

聽香亭畔春風起吹拆瓊花三兩藥烟梢留宿白雲飛橫渡
溪橋歸海嶼雪消南國近黃昏月照前村半江水五更霜重
玉容寒吟翁睡足茅屋底夢中非我亦非梅非鼻非心復非
耳但見芬芳遍大千唯聆馥郁週寰宇幽馨和凍墮琴床旖
旎下腸熏骨髓胸必峰嶸妙莫窺襟懷洒落奇無比醉後頻
驚事空醒來倍覺吾塵爽疎影橫斜澗沼中韶光浩蕩乾

裏雌蝶雄蜂浪自狂山猿野鶴深相嗜畫角高坤興不孤玉
簫婉婉情難已霧鑰江南去路迷羅浮望斷知何許擬祛聲
迹絕間塵汲引深清為君洗

雪中見寄

六丁劍攬天池水倒瀉銀河灑寒雨舞空鱗甲動天風玉龍
飛下玻璃浦乾坤萬里混清光廣寒誰借脩月斧奇葩異卉
恣粘綴寧煩懶髓鸞膠補無朋懶棹子猷船何人肯扣袁安
戶不愁僵卧酒盃空石鼎烹茶試鸚鵡

辛丑歲軍亂後李元常賦詩傷感次其韻

亂後依前舊城郭青山不老秋雲薄人民皆非可奈何歲月
無情隨逝波短世功名何暇論相逢存沒驚相問夜寒兒女
泣牛衣紫鳳天吳顛倒披訪舊驚心生百感兩脚如麻春不

暖祇多幽滯哭酸風何人背面啼春紅

過李從道故居有感

數間古屋荒村道滿地蒼煙鎖芳草酒酣獨步憶當年幾逐
秋風訪詩老主翁去後寧復來戶外白雲人不掃青山依舊
事盡非斜日黃花為誰好

黃鶴樓

丁守中

半空金碧何代樓仙人鶴駕曾一遊雕檻看雲楚山曉珠簾
捲月湘江秋樓前雲月長無恙補賦崔詩角清壯西風忽動
庾公塵仙人仍歸九天上

贈玄漠鍊師

神仙中人毛外史方瞳深碧虬髯紫了知大道本無為况是
谷神元不死偶因救旱驅玄溟倒瀉銀漢如建瓴功成不居

拂衣去洞庭渺々君山青

奉寄武昌南山白雲老人

故人家住南山下
心與白雲共瀟洒
芝草遙賡黃綺歌
蓮花近入宗雷社
子江海避風塵
白首歸來失所親
青眼相看如昔日
只有南山與故人

紫芝山房

先翁胸中有丘壑
預築園亭向山郭
清宵忽夢紫芝生
地靈獻瑞真佳城
只今諸孫仍肯構
風姿曠々如芝秀
一門未紫自此升
始知言夢為休徵
始知吉夢為休徵
載無慚下馬陵

送鄭彥貞仲舒姪北游京師

吳立夫

鄭君系本自義門
首植表孝義敦
祖孫九世類一
日聚族

千指通晨昏酒食厄口共餒衣裳施架身同温家宜富饒
積粟布里或饑饉資養殮太宗小宗寢以邈東眷西眷疇尋
源復除曷下首府令延譽靡間鄉閭言禮俗興衰願不重風
聲勸慕猶茲存袖中懷文扣所部行矣望闕期軒轅燕然何
許水陸隔越驛喻月舟車奔郢岬邛山岱嶽竊蜀江邗瀆河
流渾榆關崇墉峙虎駝碣石漲海澆蛟鼉北州塵沙濶萬里
天邑氣象雄微垣昇平多年正黼宸郡國靡至斲肩跟五柞
長楊劍戟接控弦突騎旌旗翻鴻鴈飛鳴羽未肅魚龍變化
光相燿世塗人事豈可測儒術政理須攀援嗟予昔者忝俊
造翹足到今勞夢魂乘時一去欲迅奮抱病日劇徒丘園阮
郎竹林夕並秀章氏花樹春仍繁榮親顯已在此舉惜不往
餞空罍樽

景陽宮中景陽井手出銀盤牽素綆鉛華不御面生光寶帳

垂綃花妬影臨春結綺屹層空辟月瓊枝狎客同鴛鴦戲水
池塘雨蛺蝶尋香殿閣風日高歡宴驕若訴床脚表章昏不
寤吳兒白袍戰鼓死洛土青蓋降船渡井泥無波井欄缺半
點胭脂汗緋雪蕙心蘭質吹作塵日斷寒江鎖江鐵

玩珠伎

枕珠聞自宮掖來長竿寶腕手中迴日光正高竿影直風力
旋空珠勢側當時想像鼻生蕊宛轉向額裁芙蓉筋頭交筋
忽神駭矛葉舞矛憂技窮昔人因戲存戒懼後人忘戒但戲
豫漢朝索撞險還愁晉世杯梓危不寤徘徊徘徊奪目睛歌
歌傾傾獻玉瓔滑涎器從龍堂出輝燿命與鬼骨爭君不見

王家大娘材藝絕勤政樓前戴竿折市人謹咲便喧城驚動
金吾白挺聲

宋度宗御書福王慶壽宮扇

漢家諸侯奉大統會稽故邸王封重歲周甲子壽筵開賓客
滿堂宮扇來掖庭嬪御侍圖史聖筆逡巡鸞鳳似清風外撲
龍鼻花明月中涵鏡湖水西國為家日已微禮官考禮是邪
非殿前君臣朝王笏後宮公子曳珠衣火德盛時尚有扇金
商振慶無兵戰兵頭老鐵山降雲扇底生綃沾淚霰自從一
莖息婦原恨身不見孝崇 凶越州司戶肩滕雪舊篋淒涼那
忍說

盜殺亞父塚

楚王昔尊楚亞父楚人公 殺亞父墓南山斲石下懸棺寶氣

燭天知劍處當年奉劍重腫光左右膝走諸侯王劍鋒掃
柄奪漢梁楚關作馳兵場起撞玉斗唉豎子戰肉烏為骨
蟻烏江得死不得葬憤膽冤腸終不死東陵老盜曾膾肝丞
相摸金仍置官大儒揮椎小儒唱奇寶拔窆蛟龍寒君不見
秦皇一死驪山改亞父猶能數千載我今豈識亞父誰見馬
秋風散銀海

歲晚懷戴子壽就寄翁君授

東南大海吹長波亂山幾疊堆嵯峨我所思兮欲如何戴子
謂我不我過四明學官列象犧書則稽古詩倚那六經聖聽
工漸摩倉頡字林考隸科青燈掛壁豈有他黃蘗苦澁餘醜
離平湖沅溪足芰荷目力可及叢詠歌慈溪先生雙鬢皓小
出乃為禮所羅曲臺淹中却不頗孺齊道真得者多先生昔

曾舉漢科我亦同往超江河仰窺天門光可劇豁然叱落千
文坡就中爭龍卧為梭掀雲噴雷輸蛟鼉呂梁懸水無盤渦
況肯遽數蟹與羸彼共貧女凝秋蛾地窄袖短空嗟嗟却鐘
毀金不必和靈談鬼肅衆所呵北行何有鹿沒靴南歸詎可
夢駱駝一朝竟撤碼碯珂獨立吾今衣薜蘿芝食竹飲皆沉
痾十載未復仍委蛇先生一再來揮戈坐將挾箸嘗其膳大
松偃蹇徒高歌小草樂育尚善日我清廟梁柱可聖磨萬世學
術從丘軻文風自振祛煩苛士論况辨佻與番分正句讀嗟
吾訛丘園歲暮猶婆娑明當沐髮陽之阿從公共飽天山禾
更不去理墻頭莎

寄陳生

落日未落山崦我所思兮抗斲巖豈其徒行固不可亦有

健馬可着銜胡然獨處不我即坐以魯史攻訖謫更疑弄筆
發古帖先漢廢碣求鐫劓於茲孰不我傾倒但或嗜好殊酸
醜結交似子乃有得肯使繫屬非存終今年一出本浪戰滿
地插棘疇能監鹿盧大劍區冶鑄靈鬼夜泣蛟龍函早是鉛
銛不我辨彎弧底用窺熒槐縱尔奇文聚怪鷗政如絕力鞭
神臧邯鄲道上尚故步我要我襟空餘櫛毋寧容刀與墨水
任便衆仁相為讒秋風吹江晚正急薄暮徑去懸蒲帆自期
共作制勝策酷類田父收盧穰杏花一色直不遠繡線巧感
行春衫黃精苗枯不足惜白木敢負吾長鑱嗟哉鹵莽又滅
裂但有羨稗無人芟待教將投乃壺哨猶恐未陳即鼓儵參
乎賜也必貫一曰啖曰陸俱通凡尋常可力自不力不畏天
顯兼民豈子來不來我亦別深裏深處多松楸臨篇草草遽

報我愁思滿臆何庸絨

二月六日雨書都城舊事

燕南趙北吹黃塵九天宮闕生紫雲十二門開衢路直畫輪
駘馬多行客歲寒殿外柳絲青金水河邊冰尚白鷄人傳漏
放曉朝文石分班押百僚南陽近親最舞蹈京兆耆舊爭歌
謠教坊供奉飾玉女鐘能鐘聲鼓能鼓錦來西蜀被玄駝肉
出太官殮猛虎初日扶桑稍照人內慈錫燕杏花春沐犢驛
牲泰時祀鱗魚旗翠蓋驪山巡東風萬里飄寒雨我昔所聞今
不覩快然呼酒擊酒壺茂陵徐生曾上書

題唐明王卧吹玉簫圖

張惟中

象吹簫

紋綠珊瑚作枕江於玉君王卧弄紫絲簫

又是新翻曲春風度腔一拍成落花如雪點銀屏宮聲終

自聲續吹得中原蔓草生

題隋煬帝夢陳後主圖

行人唾點燕脂井荒宴燕城猶不醒龍舟張錦炫晴波堤柳
縈絲弄春影游魂未化還笑渠兩主興亡一夢餘後庭花謝
螢光冷千古寧無鑑覆車

題蘇武牧羊圖

胡天雪滿家何許地樹根死瓶不乳蕭蕭漢節休悲風獨立
乾坤竟誰語有時飛夢繞函關五色龍樓霄漢間星殞旄頭
即銷恨丈夫何意望生還

題天台瀑布圖

南山嵯峨倚空碧一道飛泉破山色何人剪却織文機下垂
素練三千尺烏藤拄向清風前六月噴洒生薄寒天台有此

亦奇觀何須再往廬山看

梅雪山房

山人種梅花繞屋飛雪如花亂人目徘徊四顧色相輝東瞻
西林失寒綠山人如在白雲鄉牕几娟娟流素光巡簷欲覓
花無跡對酒還疑雪有香天工應把玉為屑散落人間作花
雪隨風偶入山人杯寄我新詩倍清絕江路何人吹玉簫平
沙月色皆銀濤相思我亦清興發拄杖敲門何憚遙山人迎
笑歌紅萼和以幽蘭共磅礴浮世黃埃不可居醉卧南牕夢
飛鶴

送王彥貞余伯熊張益齋三君子之京

二月鳧磯動春水一夜新雷群蟄起洗天甘雨自西來萬里
江山圖畫裏王郎見之雙眼明仗劍便欲金陵行舌底瀾翻

河漢馮筆端歛吸風雲生余君年少青雲客心與王郎為莫
逆空囊俯視無一錢胸中獨有天人策兩人相邀張隱君
君老氣尤輪囷坐聽鷄鳴不待旦即向鳧磯同問津問津直
上金陵去石頭城高如虎踞烟花紫禁奏雲門日月龍旗拂
珠樹榻前左右皆夔龍萬國此時來會同天閑得此渥注種
凡馬不敢嘶長風我欲相從愧無用飛夢秦淮遠相送有待
諸公致太平山林試撰河清頌

觀打魚

寒潭白魚不盈尺漁人聚網相追急水清無處着微身下有
長江湖不入君不見東海之中千里鯤怒來掉尾海為奔西
遊弱水天吳泣北上龍門白晝昏

和蘇與參中酒韻

林彥華

樓子文章紹班固。酒世類中不論數。長吟杜子八仙歌。朗誦坡仙老饕餮。爾來夢渴飲東海。鱗介蒼皇競悲訴。月庭壅汁不足誇。大笑妖妃吸花露。奮髯箕踞差可喜。意適何妨二豪怒。便當舉手招謫仙。直跨長鯨繞雲霧。我生幸作太平客。鼓腹而嬉日含哺。有時快意逃麴生。魚腹騷鬼每相妬。君不見銅鑿小兒唱山簡。花下歸來不知暮。誓將共老無功鄉。誰能獨泣揚朱路。

姑蘇臺

會稽鳥豕志不小。仰瞻夜眠冰在抱。忠魂曉散屬鏤鋒。秦伯遺墟欲為沼。苧羅尤物妖且妬。歌雲舞雪翻飛仙。歡娛未央白日晚。幽懷已落陶朱船。臺傾死廢春草綠。不見栖鳥見游鹿。

歌風臺

芒碭雲起高崔嵬。關東噫氣聲如雷。睢陽拔木真紬裹。天遣吹暖秦坑灰。沛中小兒強解事。擊筑高歌攬鄉思。周南正始風化行。可惜歌中無此意。霸心之存良可知。五葉變作秋風辭。

黃金臺

甘棠舊業寒於灰。燕平忿起招雄才。千金不惜購馬首。斯須遠致龍之媒。時來按劍雲前馳。七十齊城一朝北。如何繼志惑巧言。坐使望諸成沒齒。抵蛙之金亦奉軻。傷心易水空寒歌。

陽雲臺

秦瘞蝨欲食龜鼈國。天遣湘蠹死魚腹。靈脩不復入脩門。高靈能

高堂夢函谷。侍臣秉筆賦。聚麀神娥千載空。包羞峽雲冥冥。山鬼哭汀樹。鵲江猿愁孤臺縹緲。瞿塘路多少。行人望朝暮。

望思臺

春宮桐木埋禍本。鶴駕無言蘊孤憤。震雷東起馳殺聲。湖上
前星已先霄。茂陵劉郎真少恩。眇視骨肉猶織塵。隸臣赤族
竟何補。望思日暮空傷神。天人相勝一反覆。神光已照長安
獄。

戲馬臺

白蛇夜斷飛赤龍。長驅疾走平關中。鴻門玉碎亞父死。彭城
霸氣隨飄風。沐猴馭馬方成戲。調伏群鴛弃天驥。一驢豈解
遍九州。事去空歌時不利。宋公不復登此台。千古有客悲黃

樓

章華臺

章華臺高逼南斗。七澤三江在窓牖。宮女爭迴舞雪腰。郢人
巧運成風手。子圍霸業良可羞。詬天慕國仇諸侯。一弓不忍
賜弱魯。九鼎尚欲求宗周。羈魂不返乾溪路。臺上春深走狐
兔。

銅雀臺

黃星麗天日西匿。坐見魏臺高百尺。當時勝槩孰品題。尚想
諸郎有曹植。歲嬌貯麗娛奸雄。二喬不鎖羞春風。千年累土
化榛棘。片瓦尚奪陶泓功。分香淚盡繁華去。歌聲不到西陵
樹。

題秋江晚渡圖

揭希章

奈榆株櫟楓樗村古臺半隱溪林根短橋細路入幽迳斷無
人屋誰鄉扮遠山微雲出木杪白沙丹葉隨洲痕岸莎時方
蘸淨潦天霜氣欲浮黃昏一舟橫衝破秋色中有坐止知奚
云應言去早失歸晚夕陽下擲潛無曛巾衣各振離舸散到
家定未閉柴門吳越小景重摸索江湘雅致費討論豈無片
壑可與共漁樵逸樂同雞豚彼翁欣還倚杖屨誰能無酒妻
兒溫我生只為書僭誤披卷坐對真銷魂黃金郿塢不若此
浣花詩屋翻能存還君圖卷百感歎武陵溪上難尋源不餘
忘者舊山麓春月起處思聞猿

題石經 龔子敬

洛溢河清世之季鈞黨諸賢死無避橋門冠帶此何時詔為群
經正文字議郎將工隸書觀者紛紛門外事似憂方策重

煨燼且可鐫模辨魚魚南臺四部存幾積誰見世間完六籍
漢儒紛紛撥拾力到今不是糊塗客

珊瑚

彭元亮

珊瑚生樹碧海底安得騎鯨斫大枝獨下崑崙倚風露瑠花
吹落酒醒時萬山雲盡水百折中夜月高天四垂不信此心
如雪白漢江同去照漣漪

見梅懷方山房

何夢桂

中瓊英月下午見心眼明香心野雪壓不死幽韻
清玉龍聲高夜漏下綠衣舞短天鷄鳴歲寒相見
得白頭敦弟兄

李鶴田入浙赴趙春谷招

劉會孟

平書通行人點過汴宮空餘艮岳一拳上黯淡

用平乘樓上王夷甫一望中原淚如雨西風羽扇
目蓮子移根去政事堂中三相公往々退食為憂
大不見用一語不合面發紅八年流落無死所合
許忠魂不到海門潮別殿芙蓉廢為圃茫茫古
信金銅不淚垂浮沉親故懶復問白髮唯有春
肝肉堪流涕向谷哀吟越州弟買絲刻繡刻未成
書至飄然起望白雲間裘雪銀山度赤山年餘
允我且欲往窮當還平生高李經行處寂寞斷橋
到日似枯魚淚入黃河別魴鱖當時殿閣密雲
接羽翰至今猶留化石否杜鵑再賦長恨端蘇
女傷心又遇楊柳雨語言憔悴敢分明買酒行

飛來峰冷泉亭

尹仲明

湖山獨愛飛來峰孤猿長嘯寒烟中丹霞赤壁巖梵宇葛衣
草屨來仙翁松根屈曲絡山骨水光雲氣相冥濛流傳來自
天竺國攘奪造化開神功固知此語特虛幻豈有重濁能凌
空山川靈異本自有何假移掇迷西東詩人愛竒故踵謬誑
惑千古欺盲聾是耶非耶姑勿論

題桃源圖

馮信可

桃溪東迴溪轉長桃花開時春光幽禽出樹亂紅落遊魚
吹花流水香山人正住溪之澗屋角花開自成塢尋源未許
武陵人隱居且作桃溪主拄杖穿花來水頭禽魚亦解識風
流往來况有樵雲叟何昔銜杯同唱酬一樽時出桃花色花
落樽中已無迹醉鄉悠々白日閑黃塵袞々青山滿明年此

日桃花開山人淨掃溪陰苔我亦天台約劉阮春風一棹酒
船來

懷牧心

戴祖禹

風流年少今安在江頭駐馬空相待暮鴉千點落西陵歸帆
一片生東海去年別爾鴈南征今年迎爾春水生我心忍爾
如春水回波相續無窮已君如鴻鴈早驚霜方逐長風度千
里歸來滿地生芳草相期走馬西門道大堤日出佳氣濃飛
絮遊絲滿晴昊如澗之酒傾玉壺下馬共飲休躊躇文章似
爾絕代無不須更草封禪書但願長醉黃公壚

贈玉泉山人何公

盧公載

名居黃巖人

茫茫朔北多平野好山半落東南偏東南山多貴人少公侯
衮々生幽燕地氣由來有南北天運循環豈終極但恨至寶

貴道旁俗眼看朱或成碧何公西來騎白麟人言大似郭景
絕陰陽顛倒在其手論世禍福原非真山川精英神物閱談
笑鑿開有餘地時人種德須百年瓜圃何憂失其遇我今屬
市新築居請公為我卜遠圖公言此中亦大好空明佳氣無

清明述懷

趙廉友

名友補黃巖翰林編修

東風吹春柳始花青柳枝柳簷斜內園小兒得新火紫烟
已遍金張家雙鸞吹笙調鶯舌起踏秋千弄斜月夜深步轉
玉闌東笑倚梨花一株雪

送李彦方閩憲副使

謝敬德

使君昔我豸冠日正色危言動明主臺除近日多罨中今日
東門送君去平生不到黃河壩寒帷萬里閩關路盡鷓鴣聲

揚柳風繡衣肯衰蓄薇露

轆轤怨

徐天逸

門前水揚聲似雨幽人當窗碧弦語萬里征夫去不歸
雙蛾眉井中舞年々井上攀轆轤勞心只恐秋葵枯他家種得
長生草梅花落盡青々好

過歌風亭

張光緒

世間快意寧有此亭長還鄉作天子沛宮不樂復何為
諸父兄知舊事酒酣起舞和兒歌眼中盡是漢山河韓彭受誅
黥布戮且喜壯士今無多縱酒極歡留十日感慨傷懷涕沾
臆萬葉旌旗不自尊魂魄猶為故鄉惜從來樂極自生哀泗
水東流不再回萬歲千秋誰不念古之帝王安在哉莓苔在
刻今如許幾度秋風灞陵雨漢家社稷四百年荒臺猶是開

其處

讀杜拾遺百憂集行有感

余生行年將八十不知何者為憂戚富貴不驕貧賤安以此
存心度朝夕往々承乏佐中書大官羊膳供堂食只今賜老
作編氓衣食信天無固必陋巷簞瓢如素居不管茅茨春雨
濕門前載酒求賦詩錦軸牙籤日堆積在官不置負郭田既
老翻得稽古力毀譽都亡月旦評姓名不上春秋筆朝朱不
煩隣僧送暮米不煩太倉糴我亦一飯不忘君文人相輕所
不及傷我白首杜拾遺入蜀還秦勞轍迹文章蓋世亦何為
妻子相看百憂集

五王行春圖

開元天子達四駘羽旄管籥行相從當時從駕驪山者宰相

猶是環與崇華尊樓中雲氣裏兄弟同眠復同起玉環一旦
入深宮大枕長衾冷如水與慶池頭花樹邊梨園小部俱嬾
娟楊家姊妹夜游處銀燭萬條生紫煙寧知樂極哀方始羯
鼓未終鼙鼓起褒斜西幸雨霖鈴回首長安幾千里

贈製筆生許文珪

許生精藝誰可及材用剛柔以製筆水盆洗出紫兔毫使覺
文章生羽翼蒙恬將軍為動色為是秦王舊時物丞相斯曾
從駕行載此篆書封禪碣從秦至今幾千載兔尚存皮竹可
採利濟天下功不有入手千人萬人愛我昔為郎居粉署用
筆唯於許生取輕衫日對紫薇花寫遍江淹夢中句

春日感事

林霽山

柳花冢雪春冥冥溪風一夜吹為萍隨風去渺流水人生

無根亦如此故山入夢草芊芊半向疎雨寒食天曉來白髮
稀可數多少朱顏化黃土高原并青烟斜麥飯洒松能幾
家子規叫殘金粟哀蘭紙蘭亭已飛去

文翰類選大成三下

